

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

**Paasissutissiissutit**

- Imm. 04** Sisimiuni mittarfikoq pillugu kommunip pilersaaruserfigineqarneranut tapiliussassatut nr. 39-tut siunnersuutit tusarniutigineqarnera pillugu paasissutissiissut.
- Imm. 05** Maniitsumi Atuarfik Kilaaseqqami ilinniartitsisut sulilersussat immikkut isumaqatigiissuteqarluni atorfinittarsinnaanerannik siunnersuut pillugu paasissutissiissut.
- Imm. 06** Alumiiniu pillugu suliniutip kommunit aningaasaqarnerannut sunniutissai pillugit nalunaarusiap paasissutissiissutigineri.
- Imm. 07** 2010-mit 2014 tikillugu Sisimiut illoqarfiani sanaartorfigissaanissaq pillugu paasissutissiissut.
- Imm. 08** 2010-mi qipoqqaat pisassiissutit pingasut agguanneqarnerat pillugu paasissutissiissut.
- Imm. 09** Namminersorlutik Oqartussaniit tusarniutaasimasunik takussutissiaq – paasissutissiissut.

**Aningaasaqarnermut tunngasut**

- Imm. 10** Kommunalbestyrelsip juunimi 2010-mi aningaasaqarnermut nalunaarusiaa (ukiup affaanut nalunaarusiaq).
- Imm. 11** Sisimiuni Utoqqaat Angerlarsimaffiani pujortartarfiup (atuagaateqarfiup) pisariaqavissumik inissiinissanut inissiiviugallartutut atorneqarnissaanik qinnuteqaat – akissarsiaasanut immikkut aningaasaliinissaq.
- Imm. 12** Tapiissutit annertusinissaannik Taseraliup qinnuteqaataa.

**Suliassat nalinginnaasut**

- Imm. 13** Inunnut annertuumik innarluutilinnut ikiorsiisarneq pillugu Namminersorlutik Oqartussat Nalunaarutissatut siunnersuutaat pillugu tusarniaaneq.
- Imm. 14** Pítánguaq Olsen Kleistip Kangerlussuarmi nunaqarfimmi aqutsisuni sinniisussatut tunuarniuteqarnera.

**Imm. 15 Oqaluuserisassatut siunnersuut – Nunatta pissarititaanik tunisassiorsinnaaneq pillugu misissuisoqarnissaa.**

**Imm. 16 Tamalaat.**

Ataatsimiinneq aallartippoq nal. 8:30  
Ataatsimiinneq Maniitsumi ingerlanneqarpoq

*Peqataasut:*

***Atassut***

Bittren Heilmann, Maniitsoq  
Søren Alaufesen, Sisimiut

***Inuit Ataqtigii***

Anda Berthelsen, Sarfannguit  
Ane Marie Schmidt Hansen, Sisimiut  
Beathe Poulsen, Atammik  
Katrine Larsen Lennert, Sisimiut  
Olga Berthelsen Ljungdal, Sisimiut

***Siumut***

Alfred Olsen, Sisimiut  
Hermann Berthelsen, Sisimiut  
Efraim Olsen, Kangaamiut  
Evelyn Frederiksen, Sisimiut  
Hans Frederik Olsen, Sisimiut  
Karl Davidsen, Maniitsoq  
Karl Lyberth, Maniitsoq  
Morten Siegstad, Sisimiut

*Nalunaaruteqarlutik peqataannngitsut:*

*Nalunaaruteqaratik peqataannngitsut*

### **Imm. 01 Oqaluuserisassat akuersissutigineri**

#### **Aalajangiineq**

Karl Davidsenip ilisimatitsissutigaa qinikkatut parti Atassummiit tunuarluni parti Siumumut nuussimalluni. Taamaasilluni Atassummut ilaajunnaarluni Siumumi suleqataalerluni oqaatigaa. Borgmesterip tusarnaartunut ilisimatitsissutigaa pissaanerup oqimaaqatigiinnera tamatumani allannguuteqanngitsoq, taamaaginnartorli oqaatigalugu.

Oqaluuserisassat akuersissutigineqarput.

### **Imm. 02 Borgmesterip nalunaarutaa**

#### **Aalajangiineq**

Nalunaarut tusaatissatut tiguneqarpoq.

### **Imm. 03 Ataatsimiititaliani siulittaasut nalunaarutaat**

Teknikkimut Avatangiisinullu ataatsimiititaliap siulittaasuata Karl Davidsenip ilisimatitsissutigai:

- Maniitsumi kalaaliaqqap perusersartafissaanut suliap sumut killinnera
- Maniitsumi bus-itaarniarnerq pillugu namminersortunngorsaanerup kingunerisaanik sulariumannittussarsiorneq sulariumannittussaq tunuarmat suliap kinguarpoq neriuutigaalu ukiup ingerlanerani aallartinnerani sulariumannittussamik nassaartoqarumaatoq

Ilinniartitaanermut, Kulturimut Sunngiffimmullu ataatsimiititaliap siulittaasuata Søren Alaufesenip ilisimatitsissutigai:

- Meeqqerivimmumut Qeqqata Kommuniani utaqqisut
- Qeqqata Kommuniani atuartut atuarlernerat
- Qeqqata Kommuniani atuartut atuarfinni tamani qanoq amerlatiginerat
- Itillimi Atuarfiup allilernerata kingunerissanik 16. august 2010 atoqqaarfissiorneqarpoq aammalu atuarfik piareersarfittut atorqassaaq
- Sisimiuni meeqqerivik nutaaq sularialuagu aallartinneqarpoq
- GU-tut nutaat Sisimiuni aallartipput
- Ilinniartitaanermut pisortassaaq nutaaq Anna Heilmann 1. september 2010 atorfinissaaq ilutigalugulu Elna Heilmann taamatut sulisimasoq qutsavigaa

Ilaqtariinnermut ataatsimiititaliap siulittaasuata Bitten Heilmannip ilisimatitsissutigai:

- Sulisunut tungasut: Sisimiuni immikkoortortaqqarfimmi souchef-i nutaaq Jørgen S. Madsen, nutaamillu immikkoortortaqqarfimmi pisortaq Jette Krarup sulilissaaq 1. september 2010.
- Sisimiuni utoqqaat angerlarsimaffianni ininilaat angerlarsimaffittut atulernerqartussaavoq
- Aningaasanik sukannersumik ingerlatsilernissaaq siunniunneqarpoq, sulisut kompetenceplan atorunnaarsinneqarallaput
- Sulisunut tunngasut: Innarluutilinnut sullissisoq pillugu ilisimatitsivoq
- Utoqqaat timersortartut kommunimut qujassutaat apuuppaa
- Maniitsumi Utoqqaat illuanut tunngatillugu

Aatsitassanut Attaveqaqatigiinnermullu ataatsimiititaliap siulittaasuata Karl Lyberthip ilisimatitsisutigai:

- Alumiuniumik aatsitsivik piusunngorpat aningaasatigut sunniutissai nalunaarusiortoqarsimavoq assut amigaareqartut isigalugu kommunimit uparuarneqassasaaq
- Aluminiumik sulisusooq soraarniuteqarmat neriuppoq taartissaa kalaallisut oqaasertumik taarserneqarumaatoq
- Greenland Develoment-i Maniitsumi immikkoortortaarfittaarpoq kommunip allaffiani sulisua allaffeqarluni
- Inuiattut ullorsiornermi 1. viceborgmesteritut oqalugiarsimavoq
- Viceborgmesteritut katitissisimavoq
- 25. august 2010 Maniitsumi innuttaasut katersortarfimmi ataatsimiisitsisoqassaaq kommunip siunissamut pilersaarutaa pillugu aammalu norskit 70 grader Nord aluminiumik aatsitsivik piviusunngorpat illoqarfittaassaaq nutaaq pillugu saqqumiissasut oqaatigalugu.
- 25. august 2010 nal. 15:30 Maniitsup siunissaa pillugu saqqummersitsisoqassaaq kommunip allaffiani inuttaasullu tikilluaqqusaasut oqaatigaa

Inuussutissarsiutinut Suliffissaqartitsiniarnermullu ataatsimiititaliap siulittaasuata Alred Olsenip ilisimatitsissutigai:

- August 2010 Qeqqata Kommuniani suliffissaaleqisut qassiunersut
- Itillimi atuarfik aamma piareersarfittut atorneqassaaq

### **Aalajangiineq**

Paasissutissiissutit tusaatissatut tiguneqarput

**Imm. 04 Sisimiuni mittarfikoq pillugu kommunip pilersaarusiorfigineqarneranut tapiliussassatut nr. 39-tut siunnersuutit tusarniutigineqarnera pillugu paasissutissiissut**

*Journalnr. 18.01.02*

Tunuliaqutaq

Aqqusinersuarmi mittarfikup atuleqqinneqarnissaa periarfissinniarlugu, kommunip pilersaarusiorneqarneranut tapiliussaq suliarineqarpoq. Mittarfik qulimiguulinnuinaq miffissatut, inissikkiartorfissatut, aallarfissatullu kisimi atugassiaavoq.

Inuussutissarsiutilinnit apeqquteqaatigineqartup akuersaarneqarnissaanik Kommunalbestyrelsip kissaateqarnera, tassuunakkullu namminersortut ilaatigut takornarissanik angallassisinnaanissaannik periarfissinneqarnissaat tamatumunnga tunuliaqutaavoq. Allaffeqarfiup nalilerpaa, Aqqusinersuarmi qulimiguulinnut mittarfik siunertamut tassunga naleq-qutissasoq. 1998-imi Sisimiut illoqarfiani 799 meterinik takitigusumik mittarfittaarnissaa tikillugu qulimiguulinnut mittarfik atorineqarpoq. Air Greenland-ip timmisartunik Dash-7-inik nunap iluani timmisartuussineranut Sisimiuni mittarfiup kiffartuuppaa, taamaakkaluartorli timmisartut nammineq pigineqartut aamma kiffartuuttarpaat, soorlutaaq Air Greenland-ip qulimiguuliutai tassangaa aamma kiffartuunneqarunnaartut.

Qulimiguulinnut mittarfiup atorunnaarneqarneratigut, Illoqarfimmi immikkoortumut pilersaarutitigut D7-ikkut "Sunnigiffeqarnermut sanaartukkat inuusuttunut siunertaqartut" aqutigalugu nunap immikkoortortaa tamanna teknikkikkut atortuutininut atugassiaanikuulluni inuusuttunut sammisassaqartitsivissatut atugassiannagortinneqarluni allannagortinneqarpoq. Nunap immikkoortortaa taanna ullumikkut inuusuttut ornittagaattut atorineqartup, qulimiguulinnut mittarfittut atugassiannagoqqillugu kommunip pilersaarusiorfigineqarneranut tapiliussatigut ugguuna allannagortinneqarpoq.

Maleruagassatigut tunngavissat

Pilersaarusiorneq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-meersumit issuaaneq:

§ 13. Kommunalbestyrelsip kommuneqarfimmi nunaminertanut atuinissamut kommunimut pilersaarusiorititsinissaq pisussaaffigaa. Tamanna pissaaq kommunimi nunaminertaqassutsimik, pinngortitap pissarititaanik aningaasassaqaqarnermillu ataatsimut naliliineq, innuttaasut amerlassusaannut inuussutissarsiornikkullu ineriartornermut anguniakkat aamma pisortat suliaasaqarfiinut pilersaarusiorneq kiisalu Inatsisartut peqqussutaannut matumunnga siunertaasut aallaavigalugit, tak. § 1.

§ 15. Kommunimut pilersaarutissatut siunnersuut akuersissutigineqareerpat kommunalbestyrelsip siunnersuut tamanut saqqummiutissavaa. Kommunalbestyrelsi siunnersuutininik arlalinnik qinigassiilluni tamanut saqqummiussisinnaavoq.

§ 16. § 15, imm. 3 naapertorlugu piffissaliussaq naappat, kommunalbestyrelsip kommunimut pilersaarutissatut siunnersuut nutaamik suliareqqillugu, siunnersuut inaarutaasumik akuersissutigisinnaa-vaa. Tamatuma peqatigisaanik tusarniaanerup ingerlanerani akerliliissutit allannguutissatullu siunnersuutit tigineqartut suliarineqassapput.

§ 17. Kommunalbestyrelsi kommunimut pilersaarutissatut siunnersuutit inaarutaasumik akuersissutigineqareernerani pisariaqanngitsumik kinguarsaanertaqanngitsumik tamanut nalunaaruteqassaaq. Nalunaarummi tamanut saqqummiunneqartumi paasissutissiissutigineqassaaq kommunimut pilersaarut siunnersuummit saqqummiunneqareersumit immikkoortuni sutigit allaassuteqarnerasoq.

§ 18. Kommunalbestyrelsip pisariaqalernerani kommunimut pilersaarut nutartertassavaa.

§ 19. Kommunalbestyrelsen nunaminertani kommunimut pilersaarummi inaarutaasumik akuerineqarsimasumi pineqartuni sumiiffiup ilaannik aalajangersimasunik immikkoortitsisinnaavoq aammalu kommunimut pilersaarut naapertorlugu sumiiffiup ilaanut aalajangersimasumut aalajangersagaliorinnaalluni, tak. §§ 15-17.

Kommunimut pilersaaruserneq aamma nunaminertat atornerarnerat pillugit Namminersornerullutik Oqartussat nalunaarutaat nr. 7, 26. februar 2009-meersoq

§ 1. Kommunalbestyrelsen nalunaarummi matumani maleruagassat malillugit pilersaarusernermigut aqutsinermigullu, kommunip iluani nunaminertat inuiaqatigiit ataatsimut isigalugit nalilersuiffiusumik atornerarnerissaannik qulakkeerinissamut suleqataanissaa nalunaarummi siunertarineqarpoq.

Qeqqata Kommuniiani aningaasaqarnermut ataatsimiititaliap pilersaarusernermi ataatsimiititaliaavoq.

#### Pissutsit atuuttut

Sisimiuni mittarfikumi hangarilerlugu qulimiguullinnut mittarfimmud kiisalu majuartaatteqarfiup haalissaanut nunaminertamik atugassinneqarnerissamik Greenland Aviation aamma Iglo Mountain 2010-mi juunip 24-ani qinnuteqarput.

Ilaatigut akiligassatigut ingerlatsinermi killeqarnerissaa pillugu mittarfimmud qinnuteqarsimanngillat. Ilutigalugu mittarfimmi hangar-eqarnerissaminnut nunaminertaq nunagissarneqartussaassaaq, tassungalu atatillugu qaqqaaraq qaartiterneqassalluni.

Illoqarfimmud qaninnerata kingunerisaanik nipitigut akornusersuisoqarsinnaavoq. Taamaakkaluaratorli qulimiguullit annerusumik aasaanerani, pingaartumillu umiarsuit takornariartaatsit nalaani højskole takornarissanut atornerarnerusarnerata nalaani mittarfiup atornerarnerunissaa naatsorsuutigineqassaaq. Takornariaqanngiffiup nalaani mittarfik qularnanngitsumik timmisartuussisartunit nunami maani allani sulisunit angerlarsimaffittut atornerqassaaq, assersuutigalugu piiaasut, uuliamik misissuisut, ilisimatusartut.

Mittarfeqarfiit paasissutissiissutigaa, mittarfikup atuleqqinneqarnerissaa orniginagu, soorlutaaq mittarfik atornerat helistop atornerarnera timmisartuussinikkut isumannaallisaanikkut ajorseriaataaginnassasoq. Assersuutigalugu isumannaallisaanermi killissaritit, ikuallattoqaratarsinnaaneranut imaatigullu annaassiniarnissanut sillimaneq, kalerrisaarisooqaratarsinnaaneranut kiffartuussineq, Sisimiut TIZ-imi angallannerup ataqatigiissaarneqarnera.

Qeqqata Kommuniata qinnuteqaat akueriumallugu, nutaamillu pilersaarutitigut tunngavissaliornissamut piimassuseqarnera pillugu 2010-mi juulip aappaani qinnuteqartut siumoortumik neriorsorneqarput.

SLV-p aamma Pinngortitamut Avatangiisinullu suli akuersinngitsut kommunip pilersaaruserfigineqarneranut tapiliussaqa una suliarineqarpoq. Tamanut tusarniutigineqarnerani akerliliissuteqarneq ima annertutigippat, siunnersuut allanngortinneqarluni nutaamik tamanut tusarniutigineqarqissaaq.

Aningaasaqarnikkut allaffissornikkullu kingunerisinnaasai

Kommunip pilersaarusiordfigineqarneranut tapiliussatigut matumuunakkut, illoqarfimmi immikkoortortap maannakkut sukisaarsaartarfiunera inuusutissarsiorfinngortinneqassaaq. Inuusuttut ornittagaanni Nutaraq-mi sammisassat maannamuugallartoq ingerlanneqaannarsinnaapput, taamaakkaluartorli silataani sammisassaqtitsivik asfaltigaasoq killilimmik atorneqarsinnaassaluni. Siunissaq ungasinnerusoq eqqarsaatigalugu kommunip illuutini tunillugu inuusuttut ornittagaat illoqarfiup qiterpasinnerusortaanut nuukkuniuk immaqa ajunnginnerussaaq.

Qullersaqarfiup oqaaseqaataa

Allaffeqarfiup nalilerpaa, nunagissaanissamut aningaasartuutissat aamma Sisimiut Mittarfiani akile-raarutissat, Sisimiut qitigalugu timmisartuussinissamik aallartitsinianut akornutaasut. Tamassuma piviusunngortinneqarnissaanut, mittafikumimi periarfissat pitsaaqimmata mittarfikoq siunertamut tulluarpoq.

Allaffeqarfiup naliliinera

Annerusumik oqaaseqaatissaqanngilaq.

Teknikkimut avatangiisinullu Immikkoortortap innersuussutaa

Aningaasaqarnermut ataatsimiititaliamut Kommunalbestyrelsimullu innersuussutigineqassaaq, kommunip pilersaarusiordfigineqarneranut tapiliussassatut nr. 39-tut siunnersuut tamanut tusarniutigineqassasoq.

Borgmesterip suliamik suliarinninnera

Aningaasaqarnermut ataatsimiititaliaq kommunalbestyrelsilu sinnerlugit juulip 27-ani 2010-mi borgmesterip aalajangerpaa, kommunip pilersaarusiordfigineqarneranut tapiliussassatut nr. 39-tut siunnersuut tamanut tusarniutigineqassasoq.

Aningaasaqarnermut ataatsimiititaliaq kommunalbestyrelsilu tullissaanik ataatsimiilerpata aalajangiinermik ilisimatinneqassapput.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggustip 10-ani 2010-mi ataatsimiinnermini suliaq paasissutissatut tiguaa.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissiissut tusaatissatut tiguneqarpoq

**Ilanngussat**

1. Greenland Aviation aamma Iglo Mountain-ikkut nunaminertamik atugassinneqarnissamik qinnuteqaataat.
2. Siumoortumik neriorsuut.
3. Kommunip pilersaarusiordfigineqarneranut tapiliussaq 39.

**Imm. 05 Maniitsumi Atuarfik Kilaaseqqami ilinniartitsisut sulilersussat immikkut isumaqatigiissuteqarluni atorfinittarsinnaanerannik siunnersuut pillugu paasissutissiisut**

*Journalnr.*

Tunuliaqutaq

Siusinnerusukkut UKFU-mit aammalu kingullermik Kommunalbestyrelsep ataatsimiinnerani kissaatigineqarpoq allaffeqarfik siunnersuuteqassasoq Qeqqata Kommuniani ilinniartitsisussaqaarniarnermik pitsanngorsaattissanik siunnersuuteqartoqassasoq. Uani Maniitsumi ilinniartitsisussaqaarniarneq aallaavigalugu allaffeqarfik Maniitsumi siunnersuuteqarpoq imaattumik.

Maniitsumi Atuarfik Kilaaseqqami ilinniartitsisut atorfinittussat immikkut isumaqatigiissuteqarlutik atorfinittarsinnaanissaannik politikkerit akuersissasut.

Makku peqqutigalugit:

- Illoqarfiit: Nuuk aamma Sisimiut sunngiffinni periarfissaqaarnerupput
- Inissaqaarniarnikkut pitsaassutsit nallersuussinnaangillat illoqarfinnut sanilitsinniittunut
- Ilinniartitsisussaaleqineq 80 % ataateqqarujussuarpaa:

Atuarfik Kilaaseqqami 55,95 %-miiginnarami normering 62,5-miittoq.

- Maniitsoq Sisimiunut ilinniartitsisussarsiorinissami nallersuunneqarsinnaangilaq periarfissat eqqarsaatigalugit.

Inatsisitigut tunngavissat

Nalunaarutit Serie C-I ”Aftale om ansættelse på særlige åremålsvilkår”

§1 Sulisitsisoq pisinnaavoq sulisoqarneq eqqarsaatigalugu pissutissaqaraangat aaliangersinnaalluni stk 2-mi allassimasut tunngavigalugit sulilersitsisinnaalluni immikkut isumaqatigiissuteqarluni atorfinitsitsinissamut najoqqutassaq una malillugu.

Stk 2.: Atuarfeqarfimmi qullersatut, immikkoortortaqaarfimmi pisortatut, meeqqat atuarfiisa ingerlatsivianni, atuarfeqarfimmi pisortatut, atuarfimmi pisortatut, tullersortitut, sunngiffimmi pisortatut, Tarnip pissusaannik ilisimasallit qullersaattut, atuarfimmi psykolog-itut aamma siunnersortitut/oqalunniarnermi- tusaaniarnermilu pædagog-it PPR-imi taavalu ilinniartitsisutut ilinniarsimasut nunaqarfinni taamatullu illoqarfiit atuarfiini sulisut.

Taakkunani pineqarput sulisoqartussatut amerlassutsit (normering) akuersissutigineqarsimasut 80 % ataallugu ilinniartitsisutut atorfiit ilinniarsimasunit pigineqangippata.

Pissutsit atuuttut

**Atuarfik Kilaaseeraq, Maniitsoq 2009-mi oktobarip 1-ani**

Amerlassusiliineq	Ilinniartitsisut	Piareersarfiusuni ilinniartitsisut	Timelærer-it	Amigaataasut
62,55	<b>23</b>	6	18	15,55
100%	<b>46,36%</b>	9,59%	28,8%	24,86%

Qulaani takuneqarsinnaavoq Atuarfik Kilaaseqqami ilinniarsimasunik ilinniartitsisoqarneq taamaallaat 55,95 %-innaasoq, taamaalilluni atuarfimmi atuartut pitsaasumik angusaqartinniarlugit suliniarneq assut ilungersunartorsiorfiuvoq.

Taassumalu saniatigut illoqarfik Maniitsoq eqqarsaatigalugu, illoqarfiit sanilitsinniittunit sanilliullugu sunngiffimmi periarfissat annikinneerarsuupput, tamanna aamma pissutaalluinnarpoq ilinniartitsisunik ilinniarsimasunik pissarsiniarmut unammillerniarneq ilungersunartoq.



Ilinniartissuaq-mit ilinniartitsisutut naammassisut amerlanerit sinerissami misileerusuttut amerlasarput isorliunerusuni imaluunniit ajunngitsorsiassanik ujartuisarlutik, namminneq illoqafigisaminut utertigatik/nunnitsigatik. Taakkulu siornatigut uagut iluaqutigisimaqaagut.

Maniitsumi ilinniartitsisutut suliniarnermi inissaqarniarnikkut Nuummut Sisimiunullu naleqqiullugu nutaanerusunik inissianik peqanngingajappoq aammalu inissiat pitsaanerusut akisunerungaatsiarlutik pitsaassutsimikkut.

Aningaasaqarnikkut allaffissornikkullu kingunerisinnaasai

Maannakkut Maniitsumi Atuarfik Kilaaseeraq eqqarsaatigalugu ukiumut normering malillugu aningaasaliissutit inissinneqartarput. Ukioq kingulleq 2009-p naanerani sulisut akissarsiaanut 1,5 mio. Kr. –nik sinneqarsimapput.

Assersuut:

Ilaqutariit, aappariit 2-nik meerartallit ukiumut imatut aningaasartuuteqarfigisarpavut, taakku assigiimmik ancienitet -eqarput :

Overenskomst atorlugu atorfilik: 507.913,68 kr.

Immikkut isumaqatigiissuteqarluni atorfilik: 435.743,64 kr.

Allaffeqarfik naliliivoq

Qeqqata Kommuniata kommunimi tamani pitsaasumik assigiimmillu ilinniartitaanikkut periarfissaqartitsinissaq qulakkeerniartariaqarppaa, tamannalu anguneqassappat sumiiffimmi pissutsit isiginiartariaqarlutik.

Ukiuni aalajangersimasuni atorfinitsitsarnerit sumiiffinni sulisut pikkorissut pilerisaarnerini pigiinnarnissaannilu atorneqarsinnaavoq, sulisoqarnikkut taamaattuni unamminartoqarfiusuni.

IMAK-ip isumaqatigiissutaa atuuttoq aqputigalugu ukiuni aalajangersimasuni atorfeqartitsisarnerit sulisoqarniarnikkut sulisullu tigungmiinnarnissaannut sakkutut atoraanni, taava isumaqarnarpoq, Maniitsumi atuarfiit pisortaasa allaaserisaattut pitsaasumik ineriartortitsineq tigungmineqaannarsinnaassasoq.

Illuatungaatigulli, ilinniartitsisoqatit ukiuni aalajangersimasuni atorfininnissamik periarfissaqanngitsut Naammagittaannarsinnaannginnerat eqqarsaatigisariaqarluni. Taakkua, taakkunanilu ilaallutik ilinniartitsisutut atorfeqareersut, atuarfinni toqqissisimannginnermik pilersitsisinnaapput, tamatumalu malitsigisaanik ilinniartitsisut soraalarersinnaallutik. Ukiuni aalajangersimasuni atorfeqartitsisarnermi sulisut ilaasa assigiimmik ilinniagaqarnermi iluaqutissartaqarnerisusumik ilinniartitsisutut atorfeqartinneqartunit minnerutinneqarnermik misigisinnaanerit illuatungiliuttuusorinarluni.

Pissutsit tamakku takutippaallusooq, ukiuni aalajangersimasuni atorfinitsitseriaatsip sulisoqarnermi politikkeqarnermi mianersorluinnartumik ilanngunneqarsinnaanera, tassa kommuni ataatsimut isiga-lugu kiffartuussinikkut naliggiimmik periuseqarnissamik qulakkeeriniarnermi atugassatut, meeqqat atuarfiini ilinniagalinnik ilinniartitsisoqarnissaq aallaavigalugu. Tamanna aamma ima paasineqassaaq, ukiuni aalajangersimasuni atorfinitsitseriaaseq nalinginnaasumik atorneqartariaqanngitsaq, kisiannili atorfinitsitsiniarnermi sulisunillu ilinniagalinnik tigungminniarnermi sakkussatut.

Peqatigitilluguli kommunimut tamarmut atuuttariaqarluni, sumiiffimmi periarfissat atuarfiillu pitsaassusiisigut nittarsaassinerup kinguneranik ilinniartitsisut pilerilersinnaalersissallugit, ukunani aalajangersimasuni atorfiliusariaqanngitsut. Allatut oqaatigalugu aningaasat kisiisa isiginagit iliuseqarnertigut pilerilersitsisoqarsinnaavoq.

#### Ilinniartitaanermut immikkoortortap innersuussutaa

Kommunalbestyrelsip aaliangigaa 01/2009-mi, 25. februar 2009 attatiinnarneqassasoq.

Ukiunut aalajangersimasunut atorfeqarnermut isumaqagiissutit naappata atorunnaassasut. Pisariaqartitsineq aallaavigalugu taamaallaat nunaqarfinni ukiunut aalajangersimasunut atorfinitsitsisoqarsinnaasoq aammalu atuarfinni ataasiakkaanni ilinniartitsisut ilinniarsimasut sulisut katillugit 80 procentii angunngippassuk isumaqatigiissutit atuuttut naaportorlugit ukiunut aalajangersimasunut atorfeqarsinnaatitsineq periarfissaassasoq, tassa pisariaqartitat 80 procentiisa sinnernissaa tungaanut

#### Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap juunip 3-ani immikkut ittunik ataatsimiinnermini suliaq suliarivaa.

Aaliangivinnissaq junip 25-anut utaqqineqartariaqarpoq.

Sorraarsitassanut neqerooruteqarnissaq kommuninit suleqatigalugit misissorneqassaaq.

Kajungersitsiniaalluni saqqummiinerunissaq ingerlanneqassaaq.

Atuuttut atuukkallarnissaat, kommunalbestyrelsip allannguinnissaata tungaanut.

Aningaasaqarnermut ataatsimiititaliaq kommunalbestyrelsimit pisinnaatinneqassasoq junip 25-ata kingorna, qinnuteqartut nalilersoreernerisigut, immikkut atorfinitsitsisarneq pillugu, nutaamik aaliangiisooqassanersoq, Ilinniartitaanermut Kulturimut Sunngiffimmullu ataatsimiititaliap innersuussutigissavaa.

Imm. Aningaasaqarnermik ataatsimiititaliamut ingerlateqqinneqassaaq.

#### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 8-ni 2010-mi ataatsimiinnermini suliaq suliarivaa.

Aningaasaqarnermut ataatsimiititaliamit, Ilinniartitaanermut Kulturimut Sunngiffimmullu ataatsimiititaliaq, Qeqqata Kommuniani atuarfeqarfiit pillugit isumasioqatigiittoqarnisaanut siunnersuusioqquneqassaaq.

#### Kommunalbestyrelsimi suliap suliarinera

Juunip 17-ani 2010-mi ataatsimiinnermini kommunalbestyrelsip aalajangerpaa aningaasaqarnermut ataatsimiititaliaq pisinnaatinneqassasoq, juunip 25-ata kingorna qinnuteqartut nalilersoreernerisigut, immikkut atorfinitsitsisarneq pillugu nutaamik aaliangiisooqarnisaanut.

Aningaasaqarnermut ataatsimiititaliamit, Ilinniartitaanermut Kulturimut Sunngiffimmullu ataatsimiititaliamut, Qeqqata Kommuniani atuarfeqarfiit pillugit isumasioqatigiittoqarnisaanik siunnersuusioqqusiinera ilanngullugu akuersissutigineqarpoq.

#### **Ukiuni aalajangersimasuni atorfeqarnissamik immikkut isumaqatigiissuteqarluni Maniitsumi ilinniartitsisunik atorfinitsitsisoqarnissaa pillugu 2010-mi juunip 28-ani nalileeqqinneq**

#### Tunuliaqutaq

Matuma siuliani taaneqareersutut, 2010-mi juunip 17-ani Kommunalbestyrelsip ataatsimiinnerani aalajangerneqarpoq, qinnuteqarfissaq 2010-mi juunip 25-ani qaangiuppat, ukiuni aalajangersimasuni atorfeqarnissamik immikkut isumaqatigiissuteqarluni Maniitsumi ilinniartitsisunik atorfinitsitsisinnanissaq nalilersuiffineqaaqqissasoq.

#### Allaffeqarfiup naliliinera

Pisumut tamat isiginninnissaq anguniarlugu 2010-mi juunip 28-ani allaffeqarfimmiut ataatsimiipput. Maniitsumi ilinniartitsisussarsiornermi qinnuteqaatit tallimat tiguneqaqqipput, taakkunangalu pingasut atorfinitsinneqarnissamik neqeroorfigineqassallutik.

Sinnerinit taakkunanga marlunnit ataaseq ilinniartitsisutut ilinniakkaminik naammassinnissimanngilaq, aappaalu atorfirmut allarluinnarmut qinnuteqarsimalluni.

Maannakkut Maniitsumi ilinniartitsisut pingasut sulii amigaatigineqarput, pingaartumillu fysik-imi kemi-milu ilinniartitsisinnaasut amigaatigineqarlutik. Atuartitsissutinut taakkununga timelærerinik pissarsiniartoqassaaq, soorluttaaq suut ujjartorneqarnersut ersarissarlugu ilinniartitsisussarsiornerit ingerlateqqinneqaqqissasut.

Ukiuni aalajangersimasuni atorfeqarnissamik immikkut isumaqatigiissuteqarluni Maniitsumi ilinniartitsisunik atorfinitsitsinissamik neqerooruteqarnissaq massakkut pisariaqarsorinanngilaq.

2010-p ukiaani 2011-lluunniit upernaani Qeqqata Kommuniani meeqqat aturfii pillugit isumasioqatigiissitsisoqarnissaa sulissutigineqarpoq, aasaanerani lu sulingiffeqareernerup kingorna suleqatigiissitamik pilersitsisoqassalluni.

#### Allaffeqarfiup innersuussutaa

Allaffeqarfiup aningaasaqarnermut ataatsimiititaliamut innersuussutigaa, maannakkut Maniitsumi ukiuni aalajangersimasuni atorfeqarnissamik immikkut isumaqatigiissuteqarluni ilinniartitsisunik atorfinitsitsisoqassanngikkallartoq kiisalu 2010-p ukiaani 2011-lluunniit upernaani Qeqqata Kommuniani meeqqat aturfii pillugit isumasioqatigiissitsisoqassasooq.

#### Ataatsimiititaliami siulittaasup borgmesterillu suliamik suliarinninnerat

Allaffeqarfiup innersuussutaa, Ilinniartitaanermut Kulturimut Sunngiffimmullu ataatsimiititaliami siulilittaasumit borgmesterimillu juulip aallaqqaataani 2010-mi akuersissutigineqarpoq.

#### Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap aggstip 10-ani 2010-mi ataatsimiinnermini suliaq paasissutissatut tiguaa.

#### **Innersuussut**

Suliaq kommunalbestyrelsimut paasissutissatut saqqummiunneqarpoq. Ataatsimiinnermi allaffeqarfik killiffik pillugu nassuiaateqassaaq.

#### **Aalajangiineq**

Paasissutissiissut tusaatissatut tiguneqarpoq.

#### **Ilanngussat**

1. Karl Davidsenip allagaa ferbuuarip 1-ani 2010-meersoq
2. Karl Davdisenip e-mailerutaa maajip 5-ani 2010-meersoq
3. Karl Davisenimut akissut juunip 1-ani 2010-meersoq, Elna Heilmannimit
4. Ukiumut aturfiusumut 2009/2010-mut Maniitsumi nunaqarfiinilu meeqqat aturfiani sulisut pillugit nassuiaat, februar 2010.
5. Qeqqata Kommuniani ilinniartitsisussaqaqarniarnikkut inissisimaneq, aggstip 17-ani 2010

**Imm. 06 Alumiiniu pillugu suliniutip kommunit aningaasaqarnerannut sunniutissai pillugit nalunaarusiap paasissutissiissutiginera**

*Journalnr.*

Tunuliaqutaq

Alumiiniu pillugu suliniutip kommunit aningaasaqarnerannut sunniutissai pillugit nalunaarusiaq Greenland Development-ip 2010-mi juulip 7-iani nittartakkamigut [www.aluminium.gl-ikkut](http://www.aluminium.gl-ikkut) tamanut saqqummiuppaa.

Inuussutissarsiornermut Suliffeqarnermullu Naalakkersuisoqarfik aqutigalugu Greenland Development sinnerlugu qallunaat siunnersortit Copenhagen Economics-ip nalunaarusiaq suliaraa.

Kommunit sisamaasut aningaasaqarnerannut naatsorsuutigisamik sunniutissat nalunaarusiami sammineqarput, aammali pilersaarutitigut nunap aningaasaqarneranut iluanaarutaasinnaasut akornutaasinnaasulluunniit suliffissaqarnermut tunngatillugu pissutsit allat sammineqarlutik.

Maleruagassatigut tunngavissaq

Namminersorlutik Oqartussat aningaasaqarnermut inatsisitigut aningaasanik immikkoortitsisimamermigut, nalunaarusiaq Namminersorlutik Oqartussanit suliakkiutigineqarlunilu aningaasalersorneqarpoq. Naak, nalunaarusiami kommunit aningaasaqarnerat sammineqaraluartoq, naallu aningaasaqarnikkut sunniutissat tamanut tunngagaluartut, illoqarfittaassarlu pillugu Namminersorlutik Oqartussat Qeqqata Kommuniatalu akornanni suleqatigiissitamut Qeqqata Kommunian ilaagaluartoq, Qeqqata Kommunian kommunillu allat nalunaarusiamut suleqataatinneqanngillat.

Pissutsit atuuttut

Assigiinngitsutigut kommuninut aningaasaqarnikkut sunniutissaq nalunaarusiami nassuiaatigineqarput, assersuutigalugu Kalaallit Nunaanni qanoq amerlatigisut sulisorilerneqassanersut imaluunniit assersuutigalugu Maniitsormiunngortussat suminngaanniissanersut sammineqarlutik.

Nalunaarusiatigut pingaarnertut nalilerneqarpoq, pilersaarut piviusunngortinneqassappat Qeqqata Kommunian aningaasaqarnikkut iluanaaruteqarnerpaassasoq. Illuatungaatigut pilersaarut aqutigalugu Qaasuitsup Kommuniata aamma Kommune Kujalleq-p aningaasaqarnera ilaatigut ajorseriaateqalaassaaq. Tamanna aamma Greenland Development-ip nittartagaatigut erseqqissaatigineqarpoq.

Taamaasilluni sanaartorerup nalaani kommuninut sunniutissat eqqartorneqarnerini Qeqqata Kommunian 165-168 mio. koruuninik, Kommuneqarfik Sermersooq 71-74 mio. koruuninik, Qaasuitsup Kommunian 26-31 mio. koruuninik, Kommune Kujalleq-llu 9-12 mio. koruuninik iluanaaruteqassasut nalunaarusiatigut eqqartorneqarpoq (tabel 3.27-28).

Ingerlatsinerup nalaani kommunit aningaasaqarnerinut sunniutissat eqqartorneqarnerini Qeqqata Kommunian 71-80 mio. koruuninik, Kommuneqarfik Sermersooq-llu 2-13 mio. koruuninik iluanaaruteqassapput, illuatungaatigulli Qaasuitsup Kommunian 4-19 mio. koruuninik Kommune Kujalleq-llu 2-11 mio. koruuninik annaasaqassallutik (tabel 0.1).

Naatsorsuutit taakku suliarineqarsinnaaqullugit assigiinngitsutigut naliliisoqarpoq. Pingaarnertut naliliinerit arlallit misissuataarneqarput, taamaakkaluartorli siuliani eqqartorneqartut kommunit aningaasaqarnerinut sunniutissat pingaarutilimmik naliliinissaq annertunerusumik eqqartorneqarani.

Alumiiniu pillugu pilersaarummut tunngatillugu akissarsiaassanut assigiinngitsunut ilimasuuteqarnerup kinguerisaanik kommunit isertitassai ajornaatsumik naatsorsorneqarsinnaasut, kommunit aningaasartuutissaat nalunaarusiami annikitsuinnarmik eqqartorneqarput. Nalunaarusiamut tunngatillugu kommunit akiligassaat tamarmik Qeqqata Kommunianit akilerneqartussaammata soorunalimi kommunit aningaasaqarnerinut sunniutissat sapinngisamik eqqortuunissaat pingaaruteqarpoq.

Taamaakkaluartorli kommunit meeqqanut, utoqqarnut, suliffissaaleqisunut (assersuutigalugu tabel 1.1) nalunaarusiami kisimi ilanngunneqarput. Naatsorsuutit taakku ersarissumik nassuiaateqanngilat, qulanarnanngitsumilli taakku kommunit kontoqarfiini konto 50-51, konto 47 aamma konto 38-02 kommunit aningaasartuutissaat ilaapput.

Taamaattumik kommunit pingaarnertut kontomikkut, soorlu teknikkikkut (konto 2), pilersuivinnut (konto 6), sanaartornermut tunngasunut (konto 7) aamma allaffissornermut (konto 1) aningaasartuutissaat ilanngunneqarsimannginnerat assut eqqarsaatiginarpoq. Qeqqata Kommunianit eqqarsaatigalugu Maniitsup ineriartortinneqarnissaanut, malitsigisaanillu aqquuserngit attaveqarnermullu tunngasut allat aserfallatsaalineqarnissaannut aningaasartuutissat annertusussaappummi. Tamatuma saniatigut eqqagassalerinermut, ikuallaavinnut avatangiisinullu tunngasunut allanut aningaasartuutit aamma qaffattussaapput.

Assersuutigalugu aamma sunngiffimmi sammisassaqartitsivinnut kulturimullu (konto 53-59), inuusuttunut immikkut paaqqutarineqartariaqartunut (konto 41), innarluutilinnut (konto 48), suliffeqarnikkut piginnaanngorsaanernut (konto 48) aamma inuusutissarsiuutinik ineriartortitsinermut (konto 37) il.il. aningaasartuutissat annertunerulertussaapput.

Aningaasartuutit taaneqartut tamarmik nalunaarusiami naatsorsuutininut ilaanngillat, taamaattumillu Qeqqata Kommunianut inerniuliussaasoq kusanarpallaarluni. Assersuutigalugu tabel 1.1-imi takuneqarsinnaavoq, ataatsimut tapiissutitigut tapiiffiqineqarnissatsinnik naatsorsuuteqarnitsit Qeqqata Kommunianit aningaasartuutit qaffannaviannngitsut (meeqqanut utoqqarnullu aningaasartuutit 24 mill. koruuninik qaffannerinut ataatsimut tapiissutit 28 mill. koruuninik annertusineqarnissaat). Tamanna soorunalimi piviusorsiorpalaanngilaq.

Illuatungaaticut kommunit sinnerini innuttaasut ilaat Maniitsumut nuuttussaammata, kommunit sinnerinut angusassatut taaneqartoq ajorpallaarpoq, taamaattumillu kontuni siuliani taaneqartuni kommunit aningaasartuutissaminnik sipaaruteqartariaqarlutik. Taakku ilanngunneqaraluarpata alumiiniu pillugu pilersaarutitigut kommunit tamarmik, aamma ingerlatsinerup nalaani aningaasaticut iluanaaruteqassagaluarput.

Kommunit taakku pingasut iluanaarutissaat assigiinngitsumik agguataarneqarlutik kommuninut taakkununga marlunnut sanilliullugu Kommuneqarfik Sermersooq annerusumik iluanaaruteqarnissaa piviusunut allanngortitsinaviannngilaq. Inuit akileraarutaasa oqimaaqatigiissinneqarnerat Kommuneqarfik Sermersooq-mut iluaqutaalluni pitsaavallaanngitsoq matumani patsisaavoq. Tamatumunnga atatillugu nunani avannarlerni nalinginnaasumik oqimaaqatigiissitsinermut sanilliullugu Kalaallit Nunaanni inuit akileraarutaasa oqimaaqatigiissinneqannginnerat maluginiagassaq-qippoq. Aali nunanut avannarlernut sanilliullugu Kalaallit Nunaanni isertitat assigiinngitsut inuusutissarsiuutit namminersortunit pigineqartut ineriartortinneqarnissaannut atorneraqaratik annerusumik illoqarfimmi pingaarnermi pisortanut aningaasartuutissanut nakkartartut.

Inuiaqatigiinnut isertitakinnerusunut kajuummissutit pitsaavallaanngitsut nalunaarusiami aamma eqqartorneqarput, nalunaarusiamili pitsaarumik eqqartorneqartut ilaatigut annertuumik kukkunertaqarput. Kommunit aningaasartuutissaannut tunngasut siuliini eqqartorneqartunut sanilliullugu annerusumik kukkuneq tassaavoq, nuttartussat pillugit NIRAS-ip iluatsitsivallaanngitsumik nalunaarusiaa aallaavigineqarmat (tabel 1.2). Taamaalilluni pilersaarummut tunngatillugu 1150-it sulisorineqarnissaanit 150-iinnaat Qeqqata Kommunianeersuussapput, illuatungaagullu kommunit pingasuusunit sulisorineqartussat amerlanerusussaallutik. Kalaallit Nunaanni kommunit minnerfaat Maniitsumit ungasinnerusumiittoq alumiiniumik aatsiterivissami 182-inik sulisoqarnissamigut Qeqqata Kommunianut sanilliullugu amerlanerusunik sulisoqartitsissaaq. Maniitsormiut kiisalu Qeqqata Kommuniani Kommuneqarfik Sermersooq-milu illoqarfinit nunaqarfinniillu qaninnerusunit amerlanerut alumiiniumik aatsiterivissami sulisorineqarnianninnerat sulii eqqumiigineqarpoq. Tamanna Island-ip kangiatungaani misilittakkanut akerliulluinnarpoq.

Tamatuma saniatigut Maniitsumi ilinniartitsisunik, perorsaasunik atorfilittanillu allanik atorfinitsitsinissamut Qeqqata Kommuniani aningaasartuutissat annertusinissat annerusumik eqqarsaatigineqanngilaq, soorlutaaq ataatsimut isigalugu akissarsisitsisarnerit qaffannerisa kingunerisaanik Maniitsumi kiffartuussinerit assigiinngitsut annertusinissat naatsorsuutigisariaqartoq. Taamaakka-luarterli kommunit sinnerisa innuttaasui Maniitsumut nuunnerisa kingunerisaanik aningaasartuutit appariarnissaassaa ajornartorsiutaanissaa takuneqarsinnaavoq (tabel 1.10). Tassunga atatillugu aningaasartuutitigut Qeqqata Kommunian taamatulli ajornartorsiuteqartussaanninnera eqqumiigineqarpoq, matumani kommunit Sisimiormiut nunaqarfimmiillu Maniitsumut nuunnissat eqqarsaatigineqarpoq. Tamanna kommunit allanut kisimi atuukkunarpoq.

#### Aningaasaqarnikkut allaffissornikkullu kingunerisinnaasai

Qeqqata Kommunian aningaasaqarnikkut iluanaaruteqangaatsiarnissaanik kukkusumik siulittuutit paasisitsiniutigineqarnissaannut nukippassuarnik atuiffiunissaa eqqaassanngikkaanni, nalunaarusiaq imminermini Qeqqata Kommunianut aningaasaqarnikkut allaffissornikkullu kingunissaqanngilaq.

#### Allaffeqarfiup naliliinera

Alumiiniumik aatsiteriviup aningaasartuutissai pinngitsoorniarlugit iluanaaruteqarfiginiarlugilli Namminersorlutik Oqartussat peqataasutut ilanngussaasut isigineqassaaq. Nalunaarusiamut paasisutissatigut taama kukkuneqartigisumut Namminersorlutik Oqartussat aningaasarpassuarnik atuinera naammagisimaarnanngilaq.

Nalunaarusiap suliarineqarneranut atatillugu Namminersorlutik Oqartussat Qeqqata Kommunian ilaatigullu kommunit sinnerit suleqatiserisimagaluarpagit, alumiiniu pillugu pilersaarutitigut aningaasaqarnikkut kingunerisinnaasaanik naatsorsuutigisassat qularnanngitsumik ersarinnerusimassagaluarput. Taamaalilluni alumiiniu pillugu pilersaarummut tunngatillugu illuatungeriit aningaasatigut isumaqatiginninniarsinnaanissaanni nalunaarusiaq tunngavissiissanngikkaluarpoq.

#### Allaffeqarfiup innersuussutaa

Aatsitassanut attaveqatigiiinnermullu ataatsimiititaliamut, aningaasaqarnermut ataatsimiititaliamut kommunalbestyrelsimullu innersuussutigineqassaaq, "Alumiiniu pillugu suliniutip kommunit aningaasaqarnerannut sunniutissai" pillugit nalunaarusiap paasisutissiissutigineqarnera tusaatissatut tiguneqassasoq.

Aatsitassanut attaveqaqatigiinnermullu ataatsimiititaliami suliap suliarinera

Aatsitassanut attaveqaqatigiinnermullu ataatsimiititaliap aggustip 3-ani 2010-mi ataatsimiinnermi suliaq suliarivaa. Suliaq tusaatissatut tiguneqarpoq, taamaattorli ataatsimiititaliap kommunip aningaasartuuteqarnerunissaanik nalunaarusiaq amigaateqarnera ataatsimiititaliap isornartorsiorpaa. Illoqarfittaassaq pillugu nalunaarusiamiit, ataatsimiititaliaq suleqatigiisitamiit nassuiaammik kissaateqarpoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggustip 10-ani 2010-mi ataatsimiinnermini suliaq paasissutissatut tiguua.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Aatsitassanut attaveqaqatigiinnermullu Ataatsimiititaliap uparuaatai tapersernejarpot.

Paasissutissiissut tusaatissatut tiguneqarpoq.

**Ilanngussaq**

1. Alumiiniu pillugu suliniutip kommunit aningaasaqarnerannut sunniutissai pillugit nalunaarusiaq

**Imm. 07 2010-mit 2014 tikillugu Sisimiut illoqarfiani sanaartorfigissaanissaq pillugu paasisutissiissut**

*Journalnr. 17.02. konto 77-02*

Tunuliaqutaq

Konto 77-02 ”Sisimiuni Akiani 20A-mi sanaartorfigissaaneq” aqputigalugu 2010-mit 2013 tikillugu missingersuutini sanaartorfigissaanissamut kommuni 30,383 mill. koruuninik aningaasaliinikuuvoq, taamaakkaluartorli illoqarfimmi immikkoortumut pilersaarummi A20-mi sanaartorfigissaanissap naammassineqarnissaanut aningaasat ilaannaat atorneqartussaallutik.

B8-mi inuussutissarsiornermik ingerlatsinissamik inuussutissarsiornermik ingerlatsisumit ataatsimit qinnuteqaat ataasiinnaq tiguneqarnikuuvoq. Inuussutissarsiutillit Taseralimmik ataatsimeeqatigineqarnerini ukiuni tulluuttuni inuussutissarsiorfissanik immikkoortitsisoqarnissaanik kissaatit saqqummiunneqarput, ersarinnerusumilli qinnuteqaateqartoqarani.

Ilinniartut inaannik sanaartortitsisoq kissaateqarnikuuvoq, allaffeqarfinnillu sanaartortitsisoq C14/C15-imi nunaminertamik atugassinneqarnissamik kissaateqarsinnaalluni oqaatiginikuullugu. Nassiussanut inssiiviit annertusineqarnissaannik umiarsualivik kissaateqarpoq.

Maleruagassatigut tunngavissat

Namminersorlutik Oqartussanut nammagassat suliaassallu agguataarnerat 1998-imi januaarip aallaqqaataaneersoq naapertorlugi kommuni sanaartorfigissaanissaminut, pingaarnertut aqqusinniornissaminut kuuffissualersuinissaminullu pisussaaitaavoq, illuatungaatigullu pingaarnertut sanaartorfigissaanissaq, innaallagissap, aqquserngit qullilersorneqarnissaannut, attavinnut ergullu aqputaat Namminersorlutik Oqartussat isumagisussaallugit. Pingaarnertut sanaartorfigissaanissaq kommunip ataatsimut ingerlassinnaavaa, tamatumalu kingorna aningaasanut inatsisitigut aningaasaliiffigineqarsimassappat innaallagissap, aqquserngit qullilersorneqarnissaannut, attavinnut ergullu aqputaannut Namminersorlutik Oqartussat tamakkiisumik sanaartornermi tapiissuteqarsinnaalluni. Ukiuni kingullerni Qeqqata Kommunianut 2,6 mill. koruuniinnaaq immikkoortinneqartarput, imaappoq Maniitsumi, Kangerlussuarmi Sisimiunilu pingaarnertut sanaartorfigissaanissamut.

Pissutsit atuuttut

Konto 77-02-mut 2010-mi juulimi tullinguuttut aningaasaliissutigineqarput:

Siornatigut nuutsinneqarsimasut ilanngullugit	
2010-mut:	16,526
2011-mit 2013 tikillugu missingersuutit	13,857
2012 assigalugu 2014-mut missingersuutisatut siunnersuut	5,000
<u>Aningaasaliissutit katillugit:</u>	<u>35,383</u>
2010-mi juulimi pilersaarutaasumik atorneqartut:	
A20-mut 2010-mi juulimi atorneqartut	0,025
Entreorenørinut nakkutilliisunullu aningaasat sinneruttut	10,000
Illoqarfimmi immikkoortumut pilersaarutip allanngornera, pilersaarutitigut allannguutit	2,000
<u>A20-p naammassineqarnissaanut aningaasat</u>	<u>12,025</u>
Sanaartorfigissaanermi aalajangersimanngit-sunut aningaasat:	<u>23,358</u>



Aningaasaqarnikkut allaffissornikkullu kingunerisinnaasai

Aningaasat taakku ima atorineqassasut siunnersuutigineqarpoq:

Inuussutissarsiorfissami B8-mi	7,500	Kuuffissuarnut pumpeq asfalteerinissarlu ilanngunnagit Rambøll-ip missingersuusaa, taakkunanga pilersaarusiornissamut 0,870 mil kr.
B8-mi innaallagialu imerlu	3,220	Sakkortusaavimmum Ø90 mm.-imillu erngup aqputaanut Nukissiorfiit missingersuutaat
Nukissiorfiit, pingaarnertut	(3,220)	Killiliussap iluani aningaasaliissutit sinneqassappata ukiumut 2,6 mill. kr.-it
Pingaarnertut sanaartorfigissaanermut utertitassat	)	
Aqqusineq C14 ca120m	0,858	Innaallagialu imerlu ilanngunnagit kommunip suliariumannittussarsiuussinissaa
Akia pingaarnertut A22/23 ca 400m	10,000	Kuuffissuit asfalteerinissarlu ilanngunnagit pilersaarut, imeq innaallagialu
Pingaarnertut imermut utertitassat A22/23	(2,000)	Killiliussap iluani aningaasaliissutit sinneqassappata ukiumut 2,6 mill. kr.-it
Muunup aqquserngani quersuarnut qaartiterineq	7,000	Qaarsoq 25.000m <sup>3</sup> , B8-mi ca6500m <sup>2</sup> containerinut inissivissaq containerinut 260-inut inissaqartitsisoq immereerpoq
<u>2011-2014 sanaartorfigissaanis-samut katillugit</u>	<u>23,358</u>	<u>Mill kr.</u>

Sanaartorfigissaanermi aningaasat kontomut pingaarnermut qalipaaserneqarnerallu naapertorlugu agguataarneqartariaqarput.

Immikkoortumi tassani pingaarnertut aqqusineq kangerluaarsunnguarlu sinerlugu aqqusineeraq Rambøll-ip pilersaarusiornikummagu, suliamillu nangitsineruinnassammatt B8-mi sanaartorfigissaanissamut pilersaarusiornissaq siunnersortinut suliariumannittussarsiuunneqassanngilaq.

C14/C15-imi aqqusineq asfalteerneqartussaannngilaq, taannalu A20/A18-imilu sanaartorfigissaanermi ujaqqanik atunngitsuukkanik ilaatigut atuilluni immikkoortortaqaarfimmit pilersaarusiorneqartussaalluni. Erntrup aqputaa siullertut pilersaarusiorneqassaaq, kingornalu innaallagissap aqputaa siunnersortinut suliariumannittussarsiuunneqassalluni.

Akiani A22/A23-mi pingaarnertut sanaartorfigissaanissaq suliaassaavoq nutaaq, 2011-llu upernaani qaartiterneqarnissaata suliariumannittussarsiuunneqarnissaanut ukiup ingerlanerani pilersaarusiornissaq kommunimi siunnersortinut suliariumannittussarsiuunneqartussaalluni.

Sissami inissaq immikkoortortaqaarfimmit pilersaarusiorneqassaaq, ukiukkullu qaartiterisoqassalluni. Kangerluaarsunnguamili containerit inissinneqarsimasut inissivissamut nutaamut, maannakku konto 72-96 aqputigalugu suliarineqaleruttortumut 2010-milu aggustimi atulerneqarnissaanik naatsorsuutigineqartumut nuunneqareerpata suliaq aatsaat aallartinneqarsinnaassaaq. Sissami inissiviliornissaq eqqaamiunut tusarniutigineqassaaq, akerriliissutinillu tigusissagaluarutta sissami nutaamik killiliussaliornissamut kommunip pilersaarusiorneqarneranut tapiliussassamik nutaamik suliaqassalluta.

Allaffeqarfiup naliliinera

Allaffeqarfiup nalilerpaa, aningaasat tullinnguuttut atorlugit sanaartorfigissaanerup naammassineqarnissaa pisariaqassasoq:

B8-mi inuussutissarsiorfissami, pingaarnertut	8,000	Rambøll-ip missingersuusaa, kuuffissuarnut pumpeq asfalteinissarlu.
C14-mi aqqusineq 120m-it missaanniittoq imeq asfalteinissarlu ilanngullugit	1,700	Imiliaralak aqquserngillu qullilersorneqarnissaannut pilersaarut
A22/23-mi erngup aqqaanun pingaarnermut utertitassat	(0,700)	Killiliussap iluani aningaasaliissutit sinneqassappata ukiumut 2,6 mill. kr.-it
Akia pingaarnertut A22/23 400m.-it missaanni	5,000	Pingaarnertut kuuffissuit asfalteinissarlu
Muunup aqquserngani quersuasamat biilinu inissiivik, asfaltein neq quersuarmullu aqqusineq	4,000	Quersuarmi tunniussinissamat inissaq, sissamilu biilinu inissiiviup containerillu nuutat

Kingusinnerusukkut sanaartorfigissaanissamat aningaasat 18,000 Mill. Kr.

Erngup kuuffissuillu aqqaanik atuisoqalerluni nunaminertat ataasiakkaat qanoq sukkatigisumik sanaartorfigineqarnissaat apeqqutaalluni naammassineqarumaarpoq.

Konto 77-02 aqqutigalugu sanaartorfigissaanissaq ukioq manna ukiunilu missingersuusiorfiusuni tulliuuttut agguataarneqassasoq siunnersuutigineqarpoq, mill kr:

Konto	2010	2011	2012	2013+14	Katillugit
77-02, Akia A20	12,025	0	0	0	12,025
Nutaaq, B8 iluani	0,870	0,780	2,273	3,577	7,500
Nutaaq, B8 pingaarnertut	0	1,220	+3,220	-1,220	0
Nutaaq, Aqqusineq C14/15	0,331	0	0,527	0	0,858
Nutaaq, A22/23 pingaarnertut	0	1	0,500	8,500 -2	8
Nutaaq, sissami containerinullu inissiivik	3,300	2	1,700	0	7
Sanaartorfigissaaneq katillugit	16,526	5	5	8,857	35,383

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap aggstip 3-ani 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggustip 10-ani 2010-mi ataatsimiinnermini tulluuttut aalajangiuppai

- 2010-mi sanaartorfigissaanissami missingersuutit konto 77-02-mi, qulaanilu eqitsimmi takutinneqartutut kontonut nutaanut tallimanut agguataarneqarnissaat
- Kangerluaarsunnguami B8-mi inuussutissarsiorfissap qeqqata sanaartorfigissarneqarnissaata pilersaarusiorneqarnissaa ukioq manna aallartinneqassasoq.
- C14/C15-imi aqqusinniassaq asfalterneqanngitsoq, aningaasat killiliussat 331.000 koruunit iluini ukioq manna aallartinneqassasoq.
- A22/A23-mi pingaarnertut aqqusinniassap, erngup, innaallagissap kuuffissuillu aqqutissaasa pilersaarusiorneqarnissaat kommuni siunnersortinut suliariumannittussarsiuunneqassasoq.
- Quersuup eqqaani qaartiterinissamik suliap ingerlaqqinnissaanut tusarniaalluni ingerlatsilernissamik aallartitsisoqassasoq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissiisut tusaatissatut tiguneqarpoq.

**Ilanngussat**

1. Sisimiut illoqarfiani sanaartorfigissagassat takussutissatut titartagartaa.
2. Inuussutissarsiorfik B8, sanaartorfigissaanissamut takussutissiaq.
3. Sissami inissaq, qaartitigassap takussutissiornera.

**Imm. 08 2010-mi qipoqqaat pisassiissutit pingasut agguanneqarnerat pillugu paasissutissiissut**

*Journalnr. 72.01.01*

Tunuliaqutaq

Aalisarnermut, Piniarnermut Nunalerinermullu Naalakkerisoqarfiup 2010-mi qipoqqartassaagguanneqarnerat pillugu tusagassiorfinnut nalunaarutaa 16.juli 2010-meersoq.

Qeqqata Komunianut qipoqqaat pingasut pisassiissutigineqarput.

Maleruagassatigut tunngavissaq

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 11, 16.juli 2010-meersoq. Nalunaarut atuutilerpoq 13.august 2010.

§14 imm. 1 malillugu qipoqqarmut ataatsimut angallatit ikinnerpaamik marluk tamarmik minnerpaamik 36 fod-inik takissusillit qipoqqarniarsinnaapput.

Pissutsit atuuttut

Qeqqata kommuniani aalisartut piniartullu peqatigiiffiit tusarniaatigineqarnerani Sisimiuni aalisartut piniartullu peqatigiiffiat e-mail-ikkut akissuteqarnermini qipoqqaat pisassiissutit pingasut piffinni innuttaasut amerlassusaat tunngavigalugu pisassiissutigineqassasut siunnersuutigaat.

Maniitsumi aalisartut piniartullu peqatigiiffianiit oqarasuaatikkut siunnersuutigineqarpoq qipoqqartassat pisassiissutit imatut pisassiissutigineqassasut: Maniitsumut ataaseq, Kangaamiunut ataaseq Sisimiunullu ataaseq.

Qeqqata kommuniani aalisartut piniartullu peqatigiiffiisa sinneri tusarniaatigineqartumut akissuteqanngillat.

Piffinni angallatinik qamutililinni innuttaasut amerlassusai:

Maniitsoq: 2.784

Kangaamiut: 357

Sisimiut: 5.460

Piffinni pineqartuni angallatit qipoqqarniarnissami piumasaqaatinut naammassinnissimasut imatut amerlassuseqarput:

Maniitsoq: 2

Kangaamiut: 3

Sisimiut: 9

Aningaasaqarnikkut allaffissornikkullu kingunerisinnaasai

Ilanngussaqaanngilaq.

Qullersaqarfiup oqaaseqaatai

Soqaanngilaq.

Allaffeqarfiup naliliinera

Allaffeqarfimmiit siunnersuutigineqarpoq piffinnut Sisimiunut nunaqarfiinullu aammalu Maniitsumut nunaqarfiinullu angallatit qamutilillit piumasaqaatinullu nammasinninnikut amerlassusai tunngavigalugit aammalu innuttaasut amerlassusai eqqarsaatigalugit pisassiissutigineqassasut imatut:

Sisimiunut: Qipoqqaat marluk  
Maniitsumut Kangaamiunullu: Qipoqqaq ataaseq

Qinnuteqartut akornanni makitsinissamut angallatit piniaqatigiinniartut ikinnerpaamik marluullutik makitsinissamut qinnuteqassapput.

Makitsinikkut qipoqqarniarnissamut akuersissummik pissarsisut ataatsikkut piniartoqannginnissaa-nik ilisimatineqassapput pisaqartoqarnerani neqimik mattammillu asiutitsisoorsinnaaneq pinngit-soortinniarlugu.

Allaffeqarfiup innersuussutaa

Qipoqqartassiissutit Qeqqata Kommunianut pingasuusut imatut agguanneqassasut:

1. Sisimiunut: Qipoqqaat marluk
2. Maniitsumut Kangaamiunullu: Qipoqqaq ataaseq
3. Qinnuteqartut akornanni makitsinissamut angallatit piniaqatigiinniartut ikinnerpaamik mar-luullutik makitsinissamut qinnuteqassapput.

Borgmesterip suliamik suliarinninnera

Borgmesterip innersuussutigineqartut ulloq 13. august 2010 akuersissutigai.

Borgmesterip aggustip 13-ani 2010-mi aalajangiinermik allannguinnera

Qipoqqartassat pingasut suli agguanneqanngitsut KNAPK kommunimut allagaqarluni naamma-gittaarlirpoq ilaasortat ilaat makitsinissamut qinnuteqarniaraluartoq kommunimit itigartinneqarsi-manera tunngavigalugu.

Makitsinissamut piumasaqaatit imm. 3-mi allaqqasut malillugit marlukkaarlutik qinnuteqartitsinis-samut tunngatillugu qinnuteqartussat tamarmik assigiimmik periarfissinneqarnissaat eqqumaf-figineqanngitsoorsimavoq, soorlu maleruagassanik eqqortitsillutik qinnuteqartut amerlassusiat akunnappat, qinnuteqarniarluartut ilaat mattussaasussanngorlutik. Tamannalumi tassaavoq KNAPK-p naammagittaalliutaa.

Allannguutissatut siunnersuut KNAPK-mut august-ip 17-iani tusarniaaffigineqarmat KNAPK-mit tigujuminartutut isigineqarpoq.

Allaffeqarfiup innersuussutaa nutaaq

Allannguutissatut allaffeqarfiup borgmesterimut akuereqqullugu innersuussutigissavaa:

Qipoqqartassiisutit Qeqqata Kommunanut pingasuusut imatut agguanneqassasut:

1. Sisimiut, Itilleq, Sarfannguit, Kangerlussuaq, katillugit: Qipoqqaat marluk
2. Maniitsoq, Kangaamiut, Atammik, Napasoq, katillugu : Qipoqqaq ataaseq
3. Qipoqqartassamik qinnuteqartut Arfernik angisuunik illerusineq piniarnerlu pillugit Nammorsorlutik Oqartussat nalunnarutaat nr. 11, 16. juli 2010-meersumik naammassinnissimasut tamarmik akornanni makitsisoqassaaq
4. Qinnuteqartut akornanni makitsineq imatut ingerlanneqassaaq:
  - a) Sisimiunit, Itillimit Sarfannguanit, Kangerlussuarmiillu qinnuteqartunit sisamat makinneqassapput. Makitaasut akunnerminni kina piniaqatigissanerlugu isumaqati-giissutigissavaat.
  - b) Maniitsumit, Kangaamiunit, Atammimmit, Napasumiillu qinnuteqartunit marluk ma-kinneqassapput. Makitaasut piniaqatigiissapput.
  - c) Qipoqqartassiisutinut makitaasut piniariarnissaminnut periarfissaarutissagaluarpata sillimasussamik marlunnik imm. 1-mut makitsereertoqassaaq aammalu imm. 2-mut sillimasussamik ataatsimik makitsisoqassalluni.

Borgmesterip aggstip 17-ani 2010-mi innersuussutigineqartut kommunalbestyrelsi sinnerlugu akuersissutigai.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissiisut tusaatissatut tiguneqarpoq.

**Ilanngussat**

1. Aalisarnermut Piniarnermut Nunalerinermullu Aqutsisoqarfiup pisassiisutit pillugit tusagassior-finnut nalunaarutaat 16.juli 2010-meersoq.
2. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 11, 16.juli 2010-meersoq.
3. SAPP-p tusarniaanermut e-mail-ikkut akissuteqaataa.

**Imm. 09 Namminersorlutik Oqartussaniit tusarniutaasimasunik takussutissiaq - paasissutissiissut**

*Journalnr.*

Tunuliaqutaq

Inatsisartut Naalakkersuisullu inatsisiliornissaannut atatillugu piareersaanermi kommunit Namminersorlutik Oqartussaniit akulerutsinneqartarput, tassa inatsisissatut, nalunaarusiassatut nalunaarusiassallu siunnersuusiornerini toqqaannartumik imaluunniit KANUKOKA aqputigalugu tusarniaaffiginninnikkut.

Maleruagassatigut tunngavissaq

Inatsisissatut nalunaarusiassatullu siunnersuusiornermi sulianillu ingerlatsineri kommunit innuttaasulluunniit arlaatigut kalluarneqarsinnaappata, kommuninut tusarniuteqartarneq nalinginnaasuvoq.

Pissutsit atuuttut

Ukiuni kingullerni tusarniutaasartut amerliartuinnaalersimapput, amerlasuutigullu kingusingaatsiartumik akissuteqarnissamullu sivikitsuinnarmik piffissalilluni nassiunneqartarlutik, taamaalillutik tusarniutaasut ilaat politikikkut suliarineqarsinnaasaratik, allatullu ajornaraluartumik allaffeqarfimmiit akineqartarlutik. Suliassani ataatsimiititaliat kommunalbestyrelsiluunniit tamatuma malitsigisaanik tusarniummut akissutaasunik paasissutissineqartarlutik.

Akissuteqarnissamut piffissarititaasartut sivikippallaartarneri pillugit, Naalakkersuisut KANUKOKA-lu maaji qaammaat isumaqatigiissuteqarput, tusarniaanermi piffissaq akissuteqarfiusussaq qaqutigoortuinnarmik sapaatip akunnerinik tallimanik sivikinnerusassasoq, kiisalu tusarniutissat juulimi ingerlanneqartassanngitsut. Tamannali Namminersorlutik Oqartussat allaffeqarfianniit malinneqanngimmat KANUKOKA maalaaruteqarnikuuvoq.

Kommunalbestyrelsimut paasissutissiissutitut tusarniutaasimasut qangalu akineqarsimaneri pillugit nalunaarsuut ilanngunneqarpoq.

Tusarniutaasut akissutaasullu kommunalbestyrelsimi suliat mappiannut ikineqartassapput, tassa k:/drevet [\\sissrv02\Common\Kommunalbestyrelse](#)

Qullersaqarfiup oqaaseqaataa

Immikkut oqaaseqaatitassaqaanngilaq.

**Innersuussut**

Allaffeqarfiup innersuussutigissavaa, tusarniutaasimasunut nalunaarsuut tusaatissatut tiguneqassasoq.

**Aalajangineq**

Paasissutissiisut tusaatissatut tiguneqarpoq.

**Ilanngussaq**

1. 2010-mut tusarniutaasimasunut nalunaarsuut. (Malinnaatinneqassaaq)

**Imm. 10 Kommunalbestyrelsep juunimi 2010-mi aningaasaqarnermut nalunaarussiaa (ukiup affaanut nalunaarussiaq)**

Journalnr. 06.00

Pissutsit atuuttut

Atuisimaneq/isertitat 50,0 procentimiittussaapput, ukiup ingerlanerani atsikkutigiiikkaamik atuisoqarsimagaluarpat.

Qeqqata Kommunia 2010-mi juunip naalernerani	Korr. års- budget	Bogført	% i 2010
Allaffissornermut tungnasut	91.517	42.127	46,0
Teknikki	35.538	16.513	46,5
Suliffissarsiusu.inuutissarsiu.immikk.	22.615	8.966	39,6
Ilaqutariinnermut immikkoortoq	110.058	64.265	58,4
Ilinniartitaaneq kulturilu	210.173	103.742	49,4
Pilersuiffiit	8.088	3.409	42,1
<b>Ingerlatsinermit aningaasartuutit katil</b>	<b>477.989</b>	<b>239.022</b>	<b>50,0</b>
Sanaartornermut aningaasartuutit	91.587	9.790	10,7
<b>Aningaasartuutit katillugit</b>	<b>569.576</b>	<b>248.812</b>	<b>43,7</b>
<b>Ingerlatsinermit isertitat</b>	<b>-528.456</b>	<b>-238.780</b>	<b>45,2</b>
Karsimi nikingasoorutit	25.377	10.032	
Killiffimmi nikingasoorutit	14.788		
<b>Katillugit</b>	<b>40.165</b>		

Neg. tal er indt/overskud & pos. tal er udg/undersk.  
Kisitsisit (-) tallit = isertitat/sinneqartoorutit  
Kisitsisit (+) tallit = aningaasartuutit amigatoorutit

**Allaffissornermut tunngasut**

Allaffissornermut tunngasut (1.000 kr.)		Missing	Tapiliu	Akuers	Atuineq	Sinneri	Atuineq
Konto	Kontop taaguutaa						
10	Qinikkanut aningaasartuutit	7.999	0	7.999	3.259	4.740	40,7%
11	Kommunip ingerlatsinera	74.895	0	74.895	36.859	38.036	49,2%
12	Kantinamik ingerlatsineq	912	0	912	690	222	75,7%
18	Akimortumik suliat	7.821	-110	7.711	1.320	6.392	17,1%
<b>Katillugit</b>		<b>91.627</b>	<b>-110</b>	<b>91.517</b>	<b>42.127</b>	<b>49.390</b>	<b>46,0%</b>

Allaffissornermut tunngasutigut katillugit 42,1 mio. koruuninik atuisoqarsimavoq, aningaasaliissutinit katillugit 91,5 mio. koruuniusuniit. Procentinngorlugu 46,0 procentiullutik.

Kantinamik ingerlatsineq (kt. 12) aatsaat A/S INI akileeqaataassutissai ukiup naanerani naatsorsorneqartarmata atuiffiullaarpoq. Maniitsumi kantinami qaammammusialinnut atuineq naatsorsuutigisamiit qaffasinneruvoq.

Akimortumik suliaqarfiit (kt. 18) atuinikinneruffiuvoq, atuinikinneruneq sillimmasiinnermut akiligassanut INI A/S akileeqaataassutissaminnut suli akiliinnginnera aammalu kommunip sillimmasiissutaanut annerusunut sillimmasiisarfinniit akiligassiisutunik suli tigusaqartoqannginneranik patsiseqarpoq. Ilaasortaanermit akiliutit aamma tapiissutit assigiingitsutigut atuiallaarfiupput, ilaasortaanermit akiliutunik il.il. siumoortunik akiliuteqarnernik pissuteqarpoq.



## Teknikki

Teknikki (1.000 kr.)		Missing	Tapiliu	Akuers	Atuineq	Sinneri	Atuineq
Konto	Kontop taaguutaa						
20	Aqqu.ikaart.majuartarfiit atorulersuutillu il.i.	7.729	0	7.729	2.115	5.614	27,4%
21	Saligaatsuutitsineq aputaajaaneq ilanngullugu	7.319	-115	7.204	4.878	2.326	67,7%
22	Pisuussutit uumassusillit	292	0	292	83	210	28,3%
23	Kommunip suliffeqarfiutai assigiinngitsut	4.003	0	4.003	1.992	2.011	49,8%
25	Qatserisartoqarfik	5.875	0	5.875	3.028	2.847	51,5%
27	Teknikkikkut suliffeqarfiit allat	9.628	807	10.435	4.418	6.017	42,3%
<b>Total</b>		<b>34.846</b>	<b>692</b>	<b>35.538</b>	<b>16.514</b>	<b>19.024</b>	<b>46,5%</b>

Teknikki 16,5 mio. koruuninik atuiffiuvoq, aningaasaliissutaasuniit 35,5 mio. koruuniusuniit. Tamanna atuinnermut 46,5 procentimut naapertuuppoq.

Saligaatsuutitsineq aputaajaaneq ilanngullugu (kt. 21) atuiallaarfiuvoq, Sisimiuni aputaajaanermut aningaasaliissutit tamakkingajallugit atornerqarneranik patsiseqartumik aammalu saligaatsuutitsineq ingerlanneqareerluni.

## Suliffissaqartitsiniarnermut inuutissarsiornermullu immikkoortaq

Suliffissaqartitsiniarnermut inuutissars. immikkoortaq (1.000 kr.)		Missing	Tapilius	Akuers	Atuineq	Sinneri	Atuineq
Konto	Kontop taaguutaa						
34	Suliffissaqartitsiniarluni iliutsit	5.036	0	5.036	2.477	2.559	49,2%
35	Piginnaanngorsaqinneeq	1.271	0	1.271	630	641	49,6%
36	Illuutit inuutissarsiorfiusut attartortinneri	-2.477	750	-1.727	-1.226	-501	71,0%
37	Kommunip inuutissarsiornermut peqataaffii	4.131	-225	3.906	1.570	2.336	40,2%
38	Piareersarfiit	13.090	1.039	14.129	5.515	8.614	39,0%
<b>Katillugit</b>		<b>21.051</b>	<b>1.564</b>	<b>22.615</b>	<b>8.966</b>	<b>13.649</b>	<b>39,6%</b>

Suliffissaqartitsiniarnermut inuutissarsiornermullu immikkoortaq aningaasaliissutaasuniit 22,6 mio. koruuniniit 9,0 mio. koruuninik atuiffiuvoq. Atuineq procentinngorlugu 39,6 procentiuvoq.

Illuutinik inuutissarsiorfiusunik attartortitsineq (kt. 36) arlariinnik isertitaqarfiuvoq, tamanna oqaatsinik pikkorissarfimmi aamma Sisimiuni akileraaruserinnermut immikkoortortaa ineqarnermut attartortitsinnermut isertitat siumut akilerneqarneranik patsiseqarpoq. Sisimiuni illuutini ataasiakkaani ingerlatsinnermi atuisoqarpallaarpoq.

## Ilaqtariinnermut immikkoortortaq

Ilaqtariinnermut immikkoortaq (1.000 kr.)		Missing	Tapiliu	Akuers	Atuineq	Sinneri	Atuineq
Konto	Kontop taaguutaa						
40	Akeqanngitsumik paaqinnittarfinniinneq	260	0	260	36	224	13,9%
41	Meeqqanut inuusuttunullu ikiorsiiniutit	12.856	0	12.856	8.728	4.128	67,9%
43	Siusinaarluni soraarnerusutisiat, Sisimiut	9.959	0	9.959	6.298	3.661	63,2%
44	Uersakkamut akilersuutit	403	0	403	0	403	0,0%
45	Pisortanit ikiorsiissutit	13.242	0	13.242	8.270	4.972	62,5%
46	Isumaginninnermi aningaasartuutit allat	10.814	0	10.814	4.415	6.399	40,8%
47	Utoqqarnik isumassuineq	50.821	159	50.980	28.570	22.410	56,0%
48	Innarluutilinnut immikkoortaq	4.737	0	4.737	6.292	-1.555	132,8%
49	Isumaginninnermi aningaasartuutit allat	6.807	0	6.807	1.657	5.150	24,3%
<b>Katillugit</b>		<b>109.899</b>	<b>159</b>	<b>110.058</b>	<b>64.265</b>	<b>45.793</b>	<b>58,4%</b>

Ilaqtariinnermut immikkoortortaq aningaasaliissutaasuniit 110,1 mio. koruuniniit 64,3 mio. koruuninik atuiffiuvoq. Atuineq procentinngorlugu 58,4 procentiuvoq.

Meeqqanut ikiorsiissutit (kt. 41) atuiallaarfiuvoq, taanna ulloq unnuarlu paaqqinnittarfinnut namminersortunut inissiisarnerup qaffariangaatsiarsimanerani attuumassuteqartumik. Ukiup kingulliup taamaalineranut sanilliullugu 2 mio. koruuninik atuisoqarnerunikuuvoq taamatullu ingerlasoqaannassappat 4 mio. koruuninik immikkut aningaasaliisoqaqqinnissaa pisariaqalissaaq.

Siusinaarluni soraarnerusutisiat (kt. 43) atuiallaarfiuvoq, taanna siusinaartumik soraarnerusutisiallit amerlassusaata qaffannerannik aamma inuttut tapinut aningaasartuutit qaffannerinik patsiseqarpoq.

Pisortanit ikiorsiissutit (kt. 45) Sisimiuni annertuumik atuiffiuallaarpoq, kisianni aamma Maniitsumi, Itillimi aamma Sarfanguani. Ukiup kingulliup taamaalineranut sanilliullugu 2 mio. koruunit missarluinnaani atuisoqarnerunikuuvoq taamatullu ingerlasoqaannassappat 4 mio. koruuninik immikkut aningaasaliisoqaqqinnissaa pisariaqalissaaq.

Utoqqarnik isumassuineq (kt. 47) utoqqalinersiallit inuttut tapiinut aammalu Maniitsumi utoqqaat angerlarsimaffianni akissarsianut kiisalu Sisimiuni peqqissaavimmiitsitsinermut atuiallaartoqarpoq. Immikkoortortut tamarmik 1 mio. koruuninik aningaasartuuteqarnerunissaat ilimanarpoq, tassalu katillugit 3 mio. koruunit.

Innarluutilinnut immikkoortoq (kt. 48) annertuumik atuiffiuallaarpoq, najugaqaqatigiiffinnut attuumassuteqartumik. Tamanna utertitassanik utertitsisoqartarsimannginneranik patsiseqartoq ilimanarpoq. Kommunalbestyrelsep 2009-mi Ilaqutariinnermut ataatsimiititaliaq innarluutilinnut immikkoortumi missingersuutininik tikkuussisinnaasunik suliaqaqqullugu qinnuiginikuuvaa. Taanna suli suliarineqanngilaq.

Ilaqutariinnermut immikkoortoq tamaat ataatsimut isigalugu missingersuutininik tikkuussisinnaasunik suliaqarnissaa aammalu aningaasaqarnermut aquneqarnerata sukateriffiqineqarnissaa tunngaviusumik pisariaqarpoq. 10 mio. koruunit tikillugit immikkut aningaasaliissuteqartoqarnissaa pisariaqarsinnaavoq, maanna sullissinerup qaffasissusaa ingerlaannarpat.

## **Ilinniartitaaneq kulturilu**

<b>Ilinniartitaaneq kulturilu (1.000 kr.)</b>		<b>Missing</b>	<b>Tapiliu</b>	<b>Akuers</b>	<b>Atuineq</b>	<b>Sinneri</b>	<b>Atuineq</b>
Konto	Kontop taaguutaa						
50	Meeqqanut inuusuttunullu ulluunerani suliniutit	67.416	-966	66.450	32.055	34.395	48,2%
51	Atuarfeqarfiit	119.357	-6.044	113.313	54.979	58.335	48,5%
53	Sunnigiffimmi sammisasaqartitsineq	13.582	276	13.858	6.109	7.749	44,1%
55	Atuagaateqarfeqarneq	2.161	0	2.161	1.176	985	54,4%
56	Katersugaasiviit	2.819	323	3.142	1.232	1.910	39,2%
59	Kulturikkut qaammarsaanikkullu ingerlatsineq	11.249	0	11.249	8.191	3.058	72,8%
<b>Total</b>		<b>216.584</b>	<b>-6.411</b>	<b>210.173</b>	<b>103.742</b>	<b>106.432</b>	<b>49,4%</b>

Ilinniartitaaneq kulturilu aningaasaliissutiniit 210,2 mio. koruuniniit tamakkiisumik 103,7 mio. koruuninik atuiffiuvoq. Tamanna procentinngorlugu 49,4 procentiuvoq.

Atuarfeqarfiit (kt. 51) Sisimiuni atuartunut inissiaqarfiit, kommuninit allanit meeqqat atuarfiinit atuartunik tigosaqartannginnermut sanillullugu missingersuutit iluarsineqarsimanngillat.

Kulturikkut qaammarsaanikkullu ingerlatsineq (kt. 59) annertuumik atuiffiuvoq, kulturikkut illorsuarmut tapiissutit akilerneqarsimanerani aamma Sisimiuni timersornermut siunertalinnut tapiissutit 2010-moortut tamakkingajallugit atorneqarsimanerani patsiseqartumik.

## Pilersuiviit

Pilersuiviit (1.000 kr.)		Missing	Tapiliu	Akuers	Atuineq	Sinneri	Atuineq
Konto	Kontop taaguutaa						
66	Eqqaaviit il.il.	5.217	0	5.217	1.015	4.202	19,5%
68	Pilersuinerit allat	2.871	0	2.871	2.394	477	83,4%
<b>Total</b>		<b>8.088</b>	<b>0</b>	<b>8.088</b>	<b>3.409</b>	<b>4.679</b>	<b>42,1%</b>

Pilersuiviit aningaasaliissutaasuniit 8,1 mio. koruuniniit tamakkiisumik 3,4 mio. koruuninik atuiffiupput. Tamanna procentinngorlugu 42,1 procentiuvoq.

Pilersuinerit allat (kt. 68) atuiallaarfiuvoq, Sisimiuni ikuallaavimmi annertuumik atuiallaartoqarneranik attuumassuteqartumik, taanna qaanngiuttoornernut, avataanit sullinneqarnernut, nioqqutissanik pisinnermut aammalu ingerlatsinnermut aningaasartuutini annertuumik aningaasartuuteqarsimavoq, taamaalilluni ukiumut missingersuutit 0,8 mio. koruuninik sinnerneqareerlutik. Teknikkimut avatangiisinullu immikkoortorta septembarip qaammataani ataatsimiititaliamut missingersuutitigut nuutsinissamik siunnersuummik ataatsimiititaliamut nassiussissaaq.

## Sanaartornermut immikkoortoq

Sanaartornermut immikkoortoq (1.000 kr.)		Missing	Tapiliu	Akuers	Atuineq	Sinneri	Atuineq
Konto	Kontonavn						
70	Illup avataani sanaartornermut tunngasut	18.904	2.944	21.848	3.842	18.006	17,6%
72	Teknikkimut tunngasuni sanaartornermut aningaasartuutit	24.335	-523	23.812	617	23.195	2,6%
73	Suliffiissarsiuussisarfirmi inuutissarsiornermilu sanaartornermut aningaasartuutit	3.310	2.967	6.277	2.157	4.120	34,4%
74	Ilaqutariinnermut immikkoortortami sanaartornermut aningaas.	0	340	340	445	-105	
75	Ilinniartitaanermut kulturimullu sanaartornermut aningaasartuutit	7.500	3.108	10.608	1.073	9.535	10,1%
76	Pilersuivinni sanaartornermut aningaasartuutit	3.000	2.605	5.605	1.450	4.155	25,9%
77	Nunagjissaanermi sanaartornermut aningaasartuutit	14.360	8.737	23.097	206	22.891	0,9%
<b>Total</b>		<b>71.409</b>	<b>20.178</b>	<b>91.587</b>	<b>9.790</b>	<b>81.797</b>	<b>10,7%</b>

Sanaartornermut immikkoortoq aningaasaliissutiniit 91,6 mio. koruuniniit tamakkiisumik 9,8 mio. koruuninik atuiffiuvoq. Tamanna procentinngorlugu 10,7 procentiuvoq. 2009-mi piffissap taamaalinerani atuineq 18,4 mio. koruuniuvoq, procentinngorlugu 18,4 procent.

Atuinerup appasinnera annerusumik sanaartugassat akuerisaasuni annerni pissutit tullinnguuttunik patsiseqarpoq:

Illup avataani tunngasunut (ineqarnermut tunngasut) Sisimiuni Kangerlussuarmilu inissianik nalinginnaasunik kiisalu Maniitsumi utoqqarnut inissianut Namminersorlutik Oqartussat akuersissuteqarnissat utaqqineqarpoq. Sisimiuni utoqqarnut inissianut suliariumannittussarsiuussineq GA akerliliissuteqarneratigut taamaalillunilu akit annertuallaarnerinik unitsinneqarpoq, aammalu Sisimiuni ilinniartut inissaat nunniarluni sanasullu akiliisinnaajunnaarneranik eqqugaqqallutik.

Teknikkimut tunngasuni Sisimiuni Maniitsumilu kuuffissuarnik iluarsartuussineq aatsaat aallartilaarpoq, aammalu Kangerlussuarmi aqqusinernik iluarsartuussinissaq suli aallartinneqarani.

Ilinniartitaanermut kulturimullu tunngasuni Sisimiuni meeqqerivik 3 aasaanerani aallartinneqarpoq, Maniitsumilu meeqqerivissamut siunnersortimik aggustimi toqqaasoqarpoq.

Pilersuivinnut tunngasuni Sisimiuni eqqakkanut immikkoortiterivissamat Namminersorlutik Oqartussat akuersissuteqarnissaat utaqqineqarpoq.

Nunagissaanermi Sisimiuni Akiata ilaani kangerluarsunnguamilu aningaasat atunngitsuukkat nuunneqarnissaanut siunnersuummik politikerinut saqqummiisoqarpoq.

### Aningaasartuuteqarfinni atuineq

Sumiiffinni sanaartorneq ilanngullugu inger.aningaa (1.000 kr.)		Missing	Tapiliu	Akuers	Atuineq	Sinneri	Atuineq
Sted	Sumiiffik						
Nunaqarfiit katillugu		553.504	15.272	568.776	240.184	328.623	42,2%
A	SISIMIUT	284.137	17.383	301.520	130.029	171.491	43,1%
B	KANGERLUSSUAQ	33.673	-1.047	32.626	9.412	23.214	28,8%
C	SARFANNGUIT	6.736	-243	6.493	3.292	3.202	50,7%
D	ITILLEQ	6.657	-10	6.647	3.458	3.189	52,0%
E	FÆLLES BYGDER	1.320	0	1.320	428	892	32,4%
F	KANGAAMIUT	18.639	-382	18.257	7.808	10.449	42,8%
G	ATAMMIK	7.869	2	7.871	3.538	4.333	45,0%
H	NAPASOQ	4.475	-161	4.314	1.566	2.748	36,3%
I	MANIITSOQ	142.447	1.030	143.477	66.644	76.833	46,4%
J	ATAATSIMUT	47.551	-1.300	46.251	13.979	32.272	30,2%
<b>A SISIMIUT</b>		<b>284.137</b>	<b>18.183</b>	<b>302.320</b>	<b>137.459</b>	<b>164.861</b>	<b>45,5%</b>
1	Allaffissornermut tunngasut	25.738	0	25.738	11.419	14.319	44,4%
2	Teknikki	16.676	323	16.999	9.347	7.652	55,0%
3	Suliffissarsiornermut inuutissarsiornermullu tunngasut	9.468	-41	9.427	4.605	4.822	48,9%
4	Ilaqutariinnermut tunngasut	55.308	-43	55.265	41.551	13.714	75,2%
5	Ilinniartitaanermut kulturimullu tunngasut	122.878	-3.545	119.333	60.065	59.268	50,3%
6	Pilersuinermit tunngasut	3.636	0	3.636	1.311	2.325	36,0%
7	Sanaartorneq tunngasut	50.433	21.489	71.922	9.162	62.760	12,7%
<b>I MANIITSOQ</b>		<b>142.447</b>	<b>1.030</b>	<b>143.477</b>	<b>67.810</b>	<b>75.667</b>	<b>47,3%</b>
1	Allaffissornermut tunngasut	13.788	0	13.788	7.267	6.521	52,7%
2	Teknikki	9.125	133	9.258	3.836	5.422	41,4%
3	Suliffissarsiornermut inuutissarsiornermullu tunngasut	5.706	445	6.151	1.793	4.359	29,1%
4	Ilaqutariinnermut tunngasut	48.387	200	48.587	26.698	21.889	54,9%
5	Ilinniartitaanermut kulturimullu tunngasut	57.306	-2.609	54.697	26.835	27.862	49,1%
6	Pilersuinermit tunngasut	2.069	0	2.069	832	1.237	40,2%
7	Sanaartorneq tunngasut	6.066	2.861	8.927	550	8.377	6,2%

Ingerlatsineq pillugu Nunaqarfinni atuineq naatsorsuutigisatut ingerlavoq. Sisimiut Tekniskimi atuiallaarpoq aammalu Ilaqutariinnermut immikkoortortami annertuumik atuiallaartoqarluni. Maniitsoq allaffissornermut tunngasuni aamma Ilaqutariinnermut immikkoortortami atuiallaarfiuvoq.

### Akilerarutit, tapiissutit nalimmassaatillu

Akilerarutit, tapiissutit nalimmassaatillu (1.000 kr.)		Missing	Tapiliu	Akuers	Atuineq	Sinneri	Atuineq
Konto	Kontonavn						%
80	Inuit isertitanit akilerarutaat	-278.000	0	-278.000	-114.600	-163.400	41,2%
81	Selskabit akilerarutaat	-4.000	0	-4.000	0	-4.000	0,0%
83	Tamanut tapiissutit assigiissaarinerlu	-239.285	10.105	-229.180	-114.600	-229.065	50,0%
<b>Katillugit</b>		<b>-521.285</b>	<b>10.105</b>	<b>-511.180</b>	<b>-229.200</b>	<b>-396.465</b>	<b>44,8%</b>

Akilerarutinit, tapiissutinit assigiissaarutiniillu – 229,2 mio. koruuninik Qeqqata Kommunia isertitaqarpoq, tamakkiisumik aningaasaliissutiniit 396,5 mio. koruuniusuniit. Taaanna 44,8 procentitut isertitatut annertutigaaq.

Isertitanit akileraarutit (kt. 80-01) Namminersorlutik Oqartussat nuutsineri naapertogluti juuni ilanngullugu nuutsinneqartut ilanngullugit 102,9 mio. koruuniupput, tamannalu ukiut siuliisut annertutigaaq.

Isertitat naatsorsuutigisat malippaat.

### Allatigut isertitat nalikillisaanerillu

Allatigut isertitat nalikillisaanerillu (1.000 kr.)		Missing	Tapiliu	Akuers	Atuineq	Sinneri	Atuineq
Konto	Kontop taaguutaa						
85	Erniat, kapitalafkast kurs-imillu annaasat pssars.	-12.976	0	-12.976	-5.011	-7.965	38,6%
86	Isertitat allat	-4.600	-800	-5.400	-4.574	-826	84,7%
88	Naleerutsitsinerit	1.100	0	1.100	39	1.061	3,5%
<b>Katillugit</b>		<b>-16.476</b>	<b>-800</b>	<b>-17.276</b>	<b>-9.547</b>	<b>-7.729</b>	<b>55,3%</b>

Ernianit, pissarsianit, illuutininik tunisinernmit aamma nunagissaanermi akiliutinik naleerutsitsinernillu Qeqqata Kommunia 9,5 mio. koruuninik pissarsiaqarpoq, aningaasaliissutiniit 17,3 mio. koruuniusuniit. Tamanna 55,3 procentinik isertitaqarnertut annertutigaaq.

Erniatigut isertitat (kt. 85) niuernermit akigitinneqartut appasinneri pissutigalugit appasinnerupput.

Illuutininik tunisaqarneq (kt. 86-02) ingerlanerliulernikuuvoq.

Nunagissaanermut/kuuffissuarnut atassusertinnermut akiliutit (kt. 86-03) arlalinnik isertitaqarfiuvoq, tamanna Akiani illunut kipparissunut kommuni nunagissaanissamik inniminniikuuneranik akiliuteqarnikuuneranillu patsiseqarpoq.

### Ukiup naanerani aningaasaatissat naatsorsuutigisat

**2010 aallartinnerani aningaasaat 77.201.967**

2010-mi miss. Ingerl.inernerat	-15.743.000
Killiffimmi nikeraatit	-14.788.000
Immikkut aningaasaliissutit	<u>-25.377.000</u>
<b>Karsimiittuutit kat.nikeraat</b>	<b>-55.908.000</b>

**2010 naanerani aningaasaatit 21.293.967**

Ukiup naaneranut pigisat nalillit/aningaasaatit 77,2 mio. koruuniniit 21,3 mio. koruuninut appariar-nissaat naatsorsuutigineqarpoq. Taama naatsorsuutigisaqarneq tulliuuttunit tunngaveqarluni 2010-p aallartinnerani aningaasaatit, 2010-p naaneranut missingersuutiniit aningaasaatissat naatsorsuutit, killiffimilu nikeraatit (40-60 aqutugalugu illuliorniarnermi attartortitat), taamatullu massakkumut immikkut aningaasaliissutit killiffiat.

### **Akiitsut**

Qeqqata Kommunianut akiitsorineqartut 30.6.2010-mi katillugit 53,9 mio. koruuniupput, tamannalu qaammatip siulianut sanilliullugu 2,6 mio. koruuninik qaffariarneruvoq. Qaffariarneranut A-biodragit qaffariaataannik, kommuninit allanit akiligassiissutinik assigiinngitsunik aammalu isumaginnittoqarfimmi akiligassiissutinik assigiinngitsunik patsiseqarpoq. Aammattaaq nassuiaatissartarivaa akiliisitsiniarnermi kukkusumik kontoqarnermi nikingasoortoqarsimanera.

Ukioq kingullermi piffissap taamaalineranut sanilliullugu Qeqqata Kommunianut akiitsut 0,7 mio. koruuninik appariaateqarput.

### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 10-ani 2010-mi ataatsimiinnermini suliaq suliarivaa

### **Innersuussut**

Aningaasaqarnermut ataatsimiititaliap kommunalbestyrelsimut akuersissutigeqqullugu innersuussutigissavaa,

Ilaqutariinnermut ataatsimiititaliaq missingersuutinik tikkuussisinnaasunik suliaqassasoq

Ilaqutariinnermut ataatsimiititaliaq qinnuigineqassasoq aningaasaqarnerup aqunneqarnera annertuumik sukateriffigineqassasoq, tassunga ilanngullugu pisinnaatitaanermi aningaasat killiliussat utaqqiisaasumik imaluunniit ataavartussamik appartinneqassasut

Missingersuutit pillugit isumasioqatigiinnissami Ilaqutariinnermut ataatsimiititaliap kommunalbestyrelsillu peqqissaavimmi utoqqarnik uninngatitsinerup aammalu ulloq unnuarlu paaqqinnittarfinnut namminersortunut inissiisarnerup unitsinneqarsinnaaneritut periarfissat, aammalu ulloq unnuarlu paaqqinnittarfimmik kommunip pigisinnaasaanik pilersitsisoqarsinnaaneramik imaluunniit ilaqutariit paarsisartut annertunerusumik atorneqarnissaanut periarfissat atorneqarnerunissaat eqqartorneqassasoq

### **Aalajangiineq**

Innersuussutigineqartut akuersissutigineqarput.

### **Ilanngussaq**

1. Qeqqata Kommunianut oqimaaqatigiisitsineq
2. Akiitsullit allattorsimaffiat

**Imm. 11 Sisimiuni Utoqqaat Angerlarsimaffiani pujortartarfiup (atuagaateqarfiup) pisariaqavissumik inissiinissanut inissiiviugallartutut atorneqarnissaanik qinnuteqaat – akissarsiasanut immikkut aningaasaliinissaq**

*Journalnr. 06.02.01*

Tunuliaqutaq

Utoqqaat angerlarsimaffianut utoqqarnullu inissianut inissiisartut ataatsimiititaliaata 2010-mi juulip arferngani ataatsimiinnermini, utoqqaat angerlarsimaffiani pujortartarfikup maannakkut atuagaateqarfittup atorneqartup piariaqartumik inissiinissanut inissiiviugallartutut atorneqarnissaanik angerlarsimaffimmi ikiortit siunnersuutaat eqqartorpaa.

Maleruagassatigut tunngavissat

Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersumi § 5: *Kommunini utoqqarnik paaqqinniffinni inissat pisariaqartinneqartutut amerlassusillit pigineqarnissaat kommunalbestyrelsep qulakkiissavaa.*

Pissutsit atuuttut

Utoqqaat angerlarsimaffiani inissat 32-upput, pisariaqavissumillu inissinneqartariaqartunut inissiivik ataasiulluni. Inissaalatsineq, pensionisiallillu paaqqutarineqartariaqartut amerliartornerisa kingunerisaanik pensionisiaqartut amerliartuinnartut Peqqissaavimmi paaqqutarineqarput, paaqqutarineqartariaqartullu arlaqartut utoqqaat angerlarsimaffianut nuunnissaminnik utaqqillutik. Tamanna kommunimut akisoorujussuuvoq.

Sisimiuni Peqqissaavimmi paaqqutarineqarlutik uninngasut pingasuupput. Uninngasoq ataaseq massakkut Rigshospitaalimi uninngavoq, qularnangitsumillu qanittumi angerlartinneqaruni Sisimiut Peqqissaavianut inissinneqassalluni.

Utoqqaat angerlarsimaffiani pisariaqavissumik inissinneqartariaqartunut inissiivik, massakkut sapaatip akunneri marlungulersuni utoqqarmit puigortunngornikumit atorneqarpoq. Utoqqaat angerlarsimaffianiikkunnaarnissaa ilimanangilaq. Inissaalatsineq patsisaalluni, utoqqaat angerlarsimaffiani pisariaqavissumik inissiiviup piffissaligaanngitsumik nalinginnaasumik initut atorneqarnissaa pisariaqarpoq.

Aningaasatigut kinguneqaatissat

Uninngasunut peqqissaaviup akigititai naapertorlugit uninngasunut annertuumik paaqqutarineqartariaqartunut ullormut unnuamullu uninngatitsineq 3.470 koruuneqarpoq. Pingasut uninngatinneqarnerisigut kommuni qaammammut 312.000 koruuninik aningaasartuuteqartarpoq. Paaqqutarineqartariaqartoq ataaseq aamma tikingajalerpoq.

Pujortartarfikoq pisariaqavissumik inissiisarfittut piffissaligaanngitsumik atorneqaraluarpat, tassani arnaannaat angutaannaalluunniit marluk najugaqarsinnaassagaluarput. Taamatut iluarsisoqaraluarpat iluassagaluarpoq, peqqissaavimmilu uninngasoq minnerpaamik ataaseq utoqqaat angerlarsimaffianut nuutsinneqarsinnaassagaluarluni, tamatumalu saniatigut tassangaannartumik inissiisoqartariaqarnerani ataatsimik inissaateqartoqassalluni. Sulisut artukkerumanagit sulisut marluk sapaatip akunneranut akunnerni 40-ni sulisartussat piffissaligaanngitsumik – ukiup naanissaata tungaanuugallartoq – atorfinitsinneqassapput. Ilinniarsimanngitsunut akissarsiat naapertorlugit qaammammut aningaasartuutissat 14.620 koruunit missaanniissapput. Sulisut marluk atorfinitsinneqarnerisigut utoqqaat angerlarsimaffiat siusinnerpaamik 2010-mi juulip 19-ianit akissarsianut qaammammut 30.000 koruunit missaannik qaavatigut aningaasartuuteqarnerussaaq.

2010-mi juulip 19-ianit 2010-mi decembarip 31-ata tungaanut, katillugit sapaatip akunneri 24-t, sulisunut marlunnut atorfinitsitanut akissarsiat 167.448,00 koruuniussapput (30.000 : 4.3 x 24).

Utoqqaat angerlarsimaffiata missingersuutaani aamma ilaqutariinnut tunngasunut konto 4-mi aningaasat nassaarineqarsinnaanngillat, taamaattumillu immikkut aningaasaliissuteqarnissamik qinnuteqartoqarnissaa innersuussutigineqarluni.

Immikkut aningaasaliisoqarnissaanik siunnersuut:

Konto	Taaguutaa	Missingersuuti	Naatsorsuutigisami k atugassat	Aningaasaliisoqarnissaanik pisariaqartitat
4709100111	Akunermusiat	6.152.000	6.319.000	167.000
<b>Katillugit</b>		<b>6.152.000</b>	<b>6.319.000</b>	<b>167.000</b>

#### Qullersaqarfiup oqaaseqaataa

Qullersaqarfiup malugaa, peqqinnissaqarfimmi uninngatitsineq 2010-mi ukiup affaani siullermi 800.000 koruuninik sippuilluni atuiffiusimasoq. Taamaattumik kommunip ineqarfiutaani amerlanerusunik inissaqartitsinissaq piaartumik iliuuseqarfigineqartariaqarluni.

Taamaattumik qullersaqarfiup innersuussutigaa, ataatsimiititaliap siulittaasuata borgmesterillu aalajangiinerisigut immikkut aningaasaliissuteqartoqassasoq.

#### Allaqqarfiup naliliinera

Utoqqaat angerlarsimaffiani pedeli isumaqarpoq, siunnersuutip inissiisartut ataatsimiititaliaata ataatsimiinnissaa sioqqullugu pujortartarfiunikoq ikuallattoqaratarsinnaananut isumannaanneranik misissuisoqareernikummat, ini siunertamut atorneqarsinnaasoq. Ini uffarfeqaranilu perusuersartarfeqanngilaq, kisiannilu inimut marlunnik matoqarpoq, perusuersartarfillu inip akinnguaniilluni.

Initut atugassiaanngikkaluarpoq, pisariaqartumilli inissiinissanut atorneqarsinnaalluni.

Ini siunertamut atorneqarsinnaaqqullugu, utaqqiisaagallartumik atorneqarnissaanut politikerit akuersitinneqaaqartariaqarput.

#### Ilaqutariinnermut Immikkoortortap innersuussutaa

Utoqqaat angerlarsimaffiani pujortartarfiunikup piffissaligaanngitsumik pisariaqartumik inissiivittut atorneqarnissaanik qinnuteqaatip akuersissutigineqarnissaa innersuussutigineqarpoq, soorluttaaq utoqqaat angerlarsimaffiani sulisunik marlunnik atorfinitsitsisoqarnissaanut 167.000 koruuninik immikkut aningaasaliissuteqartoqarnissaanik qinnuteqaatip akuersissutigineqarnissaa innersuussutigalugu borgmesterimit aalajangiiffigisassanngorlugu ingerlateqqinneqassasoq.

#### Ilaqutariinnermut ataatsimiititaliap siulittaasuata suliamik suliarinninnera

Ilaqutariinnermut Immikkoortortaqarfiup innersuussutaa, Ilaqutariinnermut ataatsimiititaliap siulittaasuata 2010-mi juulip 15-iani akuersissutigaa.

#### Borgmesterip suliamik suliarinninnera

Aningaasaqarnermut ataatsimiititaliaq kommunalbestyrelsilu sinnerlugit borgmesterip 2010-mi juulip 16-ani 2010-mi aalajangerpaa,

Konto 4709100111 aqutugalugu akunermusialinnut 167.000 koruuninik immikkut aningaasaliissuteqartoqassasoq.

Aningaasaqarnermut ataatsimiititaliaq kommunalbestyrelsilu tullissaanik ataatsimiilerpata aalajangiinnermik ilisimatinneqassapput.



Ataatsimiititaliani suliaq suliarinera

Aningaasaqarnermut ataatsimiititaliap aggustip 10-ani 2010-mi ataatsimiinnermini  
Ilaqutariinnermullu ataatsimiititaliap aggustip 11-ani 2010-mi ataatsimiinnermini suliaq  
paasissutissatut tiguaat.

**Innersuussut**

Suliaq inaarutaasumik aalajangiiffigineqarnissaanut kommunalbestyrelsimut saqqummiunneqarpoq.

**Aalajangiineq**

Innersuussutigineqartoq akuerissutigineqarpoq.

**Ilanngussa**

Ilanngussaqaanngilaq

**Imm. 12 Tapiissutit annertusinissaannik Taseraliup qinnuteqaataa**

*Journalnr. 50.03 / Taseralik*

Tunuliaqutaq

Sisimiuni Taseraliup siulersuisuisa tunngaviusumik aningaasaateqarfiup aningaasaataasa 2010-p sinneranut 800.000,00 koruuninik, ukiunilu tallimat tulliuuttunut ingerlatsinikkut tapiissutit minnerpaamik 800.000,00 koruuninik qaffatsinneqarnissaat juulip 22-ini 2010-mi allakkatigut qinnuteqaatigivaat.

Maleruagassatigut tunngavissaq

Qeqqata Kommuniani karseqarnermut naatsorsuuserinermullu malittarisassat.

Pissutsit atuuttut

Kulturikkut illorsuaq Taseralik 2009-mi 1.000.000,- koruuninik amigartooruteqarpoq. Tassalu Tase-raliup immminut pigisup inuutissarsiutilittut aningaasaateqarfiata tunngaviusumik aningaasaatai massakkut 500.000,- koruuninik amigartooruteqarfiulerlutik. Naatsorsuutit saqqumiutereernerisigut, qaammatit pingasut ingerlanerini aallarniutitut/tunngaviusumik aningaasaatissatut 300.000,- koruunit pissarsiarineqarsimapput. Akiliisinnaajunnaarneq taamatulluunniit pisoqarnissaanik qinnuteqarneq pinngitsoorneqassappat, taava aallarniutitut/tunngaviusu-mik aningaasaatissat 300.000,- koruunit pissarsiareqqinneqartariaqarput, taannalu matussuserniarlu-gu 800.000,- koruunit pissarsiarineqartariaqarlutik. 2010-mut missingersuutitigut takuneqarsinnaasutut, Taseralik 1.000.000,- koruuninik amigartooruteqartussaasorinarpoq, tassalu 2010-mut aningaasaatit pigisat 2.000.000,- koruuninik amigartoorute-qarfiussapput.

<b>Konto</b>	<b>Oqaasertaa</b>	<b>Akuersis-sutit</b>	<b>Atuinissamik naatsorsuutit</b>	<b>Aningaasat pisariaqartitat</b>
59-04-10-35-00	Taseralimmut tapiissutit	3.592.000	4.392.000	<b>+800.000</b>
	Karsimiittuutit		4.392.000	<b>-800.000</b>

Aningaasaqarnikkut allaffissornikkullu kingunerisinnaasai

Kulturikkut illorsuarmit 2010-p sinneranut aallarniutitut/tunngaviusumik aningaasaatissatut qinnuteqartoqarnera naapertorlugu katillugit 800.000,- koruuninik immikkut aningaasaliissuteqartoqarnis-saani qinnuteqartoqarpoq. Taakkulu karsimiittuutininik aningaasaliiffiusussatut qinnuteqaataapput.

Qullersaqarfiup oqaaseqaataa

Allaffeqarfiup naliliinera

Ilinniartitaanermut immikkoortortap aningaasaqarnermut ataatsimiititaliamut innersuussutigissavaa, Kulturikkut illorsuup 2010-p sinneranut aallarniutitut/tunngaviusumik aningaasaatissatut aaqqiiniar-nermini qinnuteqartoqarnera naapertorlugu katillugit 800.000,- koruuninik immikkut aningaasaliis-suteqartoqassasoq. Suliarlu aningaasaqarnermut ataatsimiititaliamut aalajangiiffissatut ingerlateqqil-lugu.

Ilinniartitaanermut immikkoortartap innersuussutaa

Kulturikkut illorsuup Taseraliup 800.000,- koruuninik qinnuteqaataata akuersissutigineqarnissaa innersuussutigineqarpoq.

Ilinniartitaanermut Kulturimut Sunngiffimmullu ataatsimiisitaliami suliap suliarinera  
Ilinniartitaanermut Kulturimut Sunngiffimmullu ataatsimiisitaliap aggustip 16-ani 2010-mi  
ataatsimiinnermini suliaq suliarivaa.  
Innersuussut akuersissutigineqarpoq suliarlu aningaasaqarnermut ataatsimiisitaliamut  
ingerlateqqinneqassaaq.

Borgmesterip suliamik suliarinninnera  
Kulturikkut illorsuup 2010-p sinneranut aallarniutitut/tungaviusumik aningaasaatissatut  
aaqqiinar-neranut katillugit 800.000,- koruuninik immikkut aningaasaliissuteqartoqassasoq,  
aningaasaqarnermut ataatsimiititaliaq sinnerlugu borgmesteri aggustip 17-ani 2010-mi  
aalajangiivoq.

### **Innersuussut**

Kommunalbestyrelsimut innersuussutigineqassaaq, Kulturikkut illorsuup 2010-p sinneranut  
aallarniutitut/tungaviusumik aningaasaatissatut aaqqiiniarneranut katillugit 800.000,- koruuninik  
immikkut aningaasaliissuteqartoqassasoq.

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Taseraliup tapiissutit annertusinissaanik qinnuteqaataa.

### **Imm. 13 Inunnut annertuumik innarluutilinnut ikiorsiisarneq pillugu Namminersorlutik Oqartussat Nalunaarutissatut siunnersuutaat pillugu tusarniaaneq**

*Journalnr.*

#### Tunuliaqutaq

Innarluutilinnut immikkoortortap Namminersorlutik Oqartussaniit Kommuninut tunniunneqarnissaa 2011-mi atuutilissasoq naatsorsuutigineqarpoq. Tassunga atatillugu Namminersorlutik Oqartussaniit nalunaarut nutaaq KANUKOKA-p kommuninut tusarniutissangorlugu nassiunnikuuvaa. Tusarniummut akissuteqarnissaq 2010-mi septembarip 10-anut killeqarpoq. Inuk innarluutilinnut peqqussummut ilanngunneqarnissamut suut inaarutaassanersut aamma aalajangiinissami tunngaviussanersut nalunaarummi nassuiarneqarput.

Nalunaarut inummik annertuumik innarluutilimmik ikiorsiinissamik inatsisiliornermik imaqarpoq, taamaalilluni inuk sapinngisamik nalinginnaasunik inuuneqarsinnaaniassammat. Uani ilaatigut atortorissaarutigut ikiorsiissutit, najukkamik tulluurtumik ilusilersuinissamut aningaasatigut ikiorsiisarneq, ilaqutaasunut pikkorissarniartunut tapiissutit, tapersersortaasoq tapersersorteqarnermilu akunnerit atukkat kiisalu najugaqatigiiffinni illersugaasuni malittarisassanut tunngasut pineqarput.

Nalunaarummi nutaami allannguut annertunerpaaq tassaavoq, innarluuteqartoq inatsimmi ilaatinneqalernissaanut aalajangiinissaq kommunimiilermat. Siusinnerusukkut Namminersornerullutik Oqartussat / Namminersorlutik Oqartussat aalajangiisaraluarput.

#### Maleruagassatigut tunngavissaq

Inunnut annertuumik innarluutilinnut ikiorsiisarneq pillugu Namminersorlutik Oqartussat nalunaarutaat 1. januar 2010 atuutilissaaq, taavalu inunnut annertuumik innarluutilinnut ikiorsiisarneq pillugu Namminersornerullutik Oqartussat nalunaarutaat nr. 9, 14. april. 2009-meersoq taarsissallugu.

#### Pissutsit atuuttut

- Namminersornerullutik Oqartussaniit innarluutilinnut isumassuinerup kommuninut tunniunneqarnissaanik suliniutit siulliit 2007-imi ukiakkut aallartinneqarput, Ilaqutariinnermut Peqqissutsimullu Naalakkersuisoqarfimmiit inuttalimmik suleqatigiisitaliornikkut.
- 2008-mi juunimi aalajangiunneqarpoq, kommunerujussuit nutaat pillugit aningaasaqarnerat tunngaviusumik misissorneqareernissaannut nuutsitsiniarneq unitsinneqarallassasoq.
- Suleqatigiisitat 2009-mi maajimi innersuussutigalugu saqqummiuppaa, innarluutilinnut immikkoortup kommuninut nuutsinneqarnissaa 2010-mi januaarip aallaqqaataani pissasoq.
- 2009-mi juunimi qinersisoqassasoq nalunaarutigineqarpoq, taamaalillunilu inatsisiliorneq unippoq – tassunga ilaalluni innarluutilinnut immikkoortortap nuunneqarnissaanik sulineq.
- Innarluutilinnik isumassuinerup atatillugu marloriaammik allaffissorneq 2009-mi oktobarimi KANUKOKA-p siulersuisuisa eqqartorpaat. Tassani siulersuisut inassutigaat, nuussinissaq 2010-mi juulip aallaqqaataani pissasoq. Taamaattorli immikkoortortap ilaa Namminersorlutik Oqartussat ataaniinnassasoq, soorlu ilaatigut innarluutilinnut ulloq unnuarlu paaqqinnittarfiit. Aammattaaq aningaasaqarneq allaanerusumik agguarneqassasoq, taamaalilluni akuersissutit innarluutilinnut malinnaasassallutik.

- Inassuteqaat 2009-mi decembarimi kommuninut tusarniutaanikuuvoq, tamatumani KANUKOKA-p inassuteqaataa isumaqatigineqarluni. Kommunit tamarmik aamma isumaqataapput, immikkoortoq 2010-mi juulip aallaqqaataani nuunneqarnissasoq – Kommuni Kujalleq minillugu, taanna mianersortumik nuutsiartuaarnissamik kissaateqarmat.
- KANUKOKA 2010-mi februaarimi suleqatigiisitamik pilersitsivoq, kommuninut periutsinik sakkusanillu siunnersuutinik takkussaqaartussatut siunertaqartumik, kiisalu sapinngisamik ajornartorsiutaqanngitsumik nuussinissamik qulakkeerinnittussamik.
- Isumaginninnermut Naalakkersuisoq aamma Nunamut Namminermut Naalakkersuisoq 2010-mi marsimi nalunaaruteqarput, kommunit ataatsimoorussillutik ingerlatsinissaannik pilersitsinissaq kinguartinneqartoq. Tassunga tunngavilersuutaavoq, immikkoortup tamakkerluni kattunneqarnissaanut piffissaqaartariaqartoq – innarluutilinnut ulloq unnuarlu paaqqinnittarfiit kommuninut tunniunneqannginnerini.
- 2010-mi juunimi inaarutaasumik aalajangiunneqarpoq immikkoortumik nuussinissaq 2011-mi januaarip aallaqqaataa aallarnerfigalugu pissasoq.

Innarluutilinnut immikkoortup nuunneqarnissaanik sulineq 2010-mi upernaakkut aasakkullu suli ingerlavoq. Kingullermik innarluutilinnut sullisseriaatsip periusissaa juunip 14-iani Qeqqata Kommunianut tusarniutaavoq. Periusissanut Qeqqata Kommunia isumaqataavoq. Immikkoortup tiguneqarnissaanut kommuni piareersimalluinnartoq, tusarniummut akissuteqaammi Qeqqata Kommuniata ersarissassavaa.

#### **Nalunaarummut KANUKOKA-p oqaaseqaatai**

*Kap. 1, Atoarneqarfiusussamut:* Nalinginnaasumik maleruagassat erseqqissut amigaatapput aalajangiinissamut nassuiaatit suut tunngaviillu malillugit inuk annertuumik innarluutilittut ikiorserneqarnissaanut inatsisiliornermi.

*Kap. 4, Qamutit motoorillit:* Innarluutilinnut bussinut angalanissamut qanoq ilinikkut tapiisoqartarnissaanik ersarissaasoqanngilaq.

*Kap. 10, Suliassaqaartitsineq:* Suliassaqaartitsineq, sammisassaqaartitsineq, nakkutigineqarluni suliffiit, ulluunerani ornittakkat, naapittarfiit aamma nakkutigineqarluni sullissiviit pillugit suut matussuserneraat ersarissarneqassasoq kissaatigineqarpoq.

*Kap. 11, Tapersersortitut ikiorti:* Tapersersortitut ikiortinut nammineq angerlarsimaffimmi, najugaqatigiiffimmi imaluunniit Nakkutigineqarlutik najugaqatigiiffinni najugaqartunut suliassaasa nassuiaataat itinerusut amigaataapput.

*Kap. 13, Nakkutigineqarluni najugaqarfik:* Inunnut annertuumik timikkut innarluutilinnut aamma / imaluunniit eqqarsartaatsimikkut anniaatilinnut nakkutigineqarluni najugaqarfimmi najugalinnut sulisunut naatsorsuussamik pinngitsooratik initaqarnissaat ersarissarneqarsimannngilaq.

#### **Aningaasaqarnikkut allaffissornikkullu kingunerisinnaasai**

Innarluutilinnut sullissinnermut aningaasaqarnermut tunngasut suli inissivillugit isumaqatiginninniutigineqarnikuunngillat.

Ilaqtariinnermut ataatsimiititaliami suliap sularinera

Ilaqtariinnermut ataatsimiititaliap aggustip 11-ani 2010-mi ataatsimiinnermini suliaq sularivaa.

### **Innersuussut**

Kommunalbestyrelsimut innersuussutigineqassaaq, inunnut annertuumik innarluutilinnut ikiorsiisarneq pillugu Namminersorlutik Oqartussat nalunaarutaat Kanukokap oqaaseqaatai ilanngullugit akuersissutigineqassasoq.

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Inunnut annertuumik innarluutilinnut ikiorsiisarneq pillugu Namminersorlutik Oqartussat nalunaarutaat nr. x, x. 2010-meersoq.

## **Imm. 14 Pítánguaq Olsen Kleistip Kangerlussuarmi nunaqarfimmi aqutsisuni sinniisussatut tunuarniuteqarnera**

*Journalnr. 01.01.03*

### Tunuliaqutaq

Pítánguaq Olsen Kleist juulip 14-ani 2010-mi borgmester Hermann Berthelsenimut nalunaaruteqarpoq Kangerlussuarmi nunaqarfimmi aqutsisuni sinniisussaatur tunuarniarluni. Tunuarniarnermut qinnuteqaatini inuttut aaliangernerusoq nalunaarutigivaa, ilaqquttat najorne-runissaat meeqqanillu paarsaqarnerminni nakkutiginissai pingaartillugit. Aammalu sullivini siunissaq eqqarsaatigalugu iluamik sullivigerusukkamiuk.

### Maleruagassatigut tunngavissaq

Kommunalbestyrelsinut, nunaqarfimmi aqutsisunut ilagiillu sinniisaannut qinersisarnerit pillugit Inatsiartut inatsisaat nr. 10, 31. oktober 1996-imeersumi § 50, imm. 1-mi allaqqavoq.

*"Ilaasorta qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsi aalajangiissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sulianik assigisaanilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalinginnaasumik akuerineqassaaq."*

*§ 61. „Nunaqarfimmi ataasiakkaani qinersinerup inernerata naatsorsorneranut nalunaarutigineranullu aammalu piffissap qinigaaffiup ingerlanerani ilaasortat tunuarnerat il.il. eqqarsaatigalugit kommunalbestyrelsimut qinersinerup maleruaqqusat assingi atuupput....“*

Kommunalbestyrelsi nunaqarfimmi aqutsisunut atatillugu pingaarnertut akisussaasummat tunuarniuteqarnerup akuerineqassanersoq kommunalbestyrelsi aalajangiiffigissavaa.

### Pissutsit atuuttut

Apriliip 28-ani 2010-mi nunaqarfimmi aqutsisunut qinersineq naapertorlugu, Pítánguaq Olsen Kleist Kangerlussuarmi partii Siumut sinnerlugu sinniisussatuaavoq.

### Allaffeqarfiup naliliinera

Oqaaseqaatissaqanngilaq.

### **Innersuussut**

Kommunalbestyrelsimut innersuussutigineqarpoq

Pítánguaq Olsen Kleistip nunaqarfimmi aqutsisuni sinniisussatut tunuarniutaa 2010-mi aggustip naggataaniit akuerineqassasoq.

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Pítánguaq Olsen Kleistip tunuarniarnerminut 2010-mi juulip 14-ani 22-anilu e-mailerutai.

**Imm. 15 Oqaluuserisassatut siunnersuut – Nunatta pissarititaanik tunisassiorsinnaaneq pillugu misissuisoqarnissaa**

*Journalnr. 66.15*

Tunuliaqutaq

Kommunalbestyrelsimi ilaasortap Anda Berthelsenip, Nunatta pissarititaanik tunisassiorsinnaaneq pillugu misissuisoqarnissaanut siunnersuut kommunalbestyrelsimi oqaluuserisassatut juunip 30-ani 2010-mi e-mailikkut nassiuppaa.

**Innersuussut**

Kommunalbestyrelsimut innersuussutigineqassaaq, suliaq oqallisigineqareerneratigut Inuussutissarsiutitigut allatseqarfimmut misissuiffigisassanngorlugu ingerlateqqinneqassasoq.

**Aalajangiineq**

Innersuussut akuersissutigineqarpoq.

**Ilanngussat**

1. Anda Berthelsenip juulip 30-ani 2010-mi e-mailerutaa.

**Imm. 16 Tamalaat**

Borgmesterip innuttaasunik pilersaarusiormi periusissat eqqarsaatersuutit oqallisiaq pillugu Qeqqata Kommuniani qanoq innikkut ataatsimiisitsisoqassanersoq nalunaarutigaa.